

E-8


885

Ο. Γ. ΚΑΝΟΝΙΔΙ

ΓΙΑ ΤΟ ΚΟΛΧΟΖ

ΔΡΑΜΑ ΣΕ 4 ΠΡΑΞΙΣ ΚΕ 5 ΙΚΟΝΕΣ

ΕΚΔΟΣΙ „ΚΟΜΥΝΙΣΤΙ“
ΡΟΣΤΟΒ-ΔΟΝ 1931




E-8

885

Θ. Γ. ΚΑΝΟΝΙΔΙ

ΓΙΑ ΤΟ ΚΟΛΧΟΖ

ΔΡΑΜΑ ΣΕ 4 ΠΡΑΞΙΣ ΚΕ 5 ΙΚΟΝΕΣ



ΕΚΔΟΣΙ „ΚΟΜΥΝΙΣΤΙ“
ΡΩΣΤΟΒ-ΔΟΝ 1931

Ф. Г. КАНОНИДИ

ЗА КОЛХОЗ

Пьеса в 4-х действиях

ИЗДАТЕЛЬСТВО „КОММУНИСТИС“

Ростов-Дон 1931

ΠΡΟΣΟΠΑ ΤΥ ΔΡΑΜΑΤΟΣ

Γοργορτζ — Χορικός 45 χρονον
 κσεγελαζμένος μεσέος χορικός

Θιμία — γινέκα-τυ

Ελένι — το κορίτσι-τυ

Θόδορος — γιός-τυ

Γιορίκας — διοργανοτις τυ κολχοζ

(κομουνιστις κε γαμπρος τυ Γοργορ).

Μαρία — κυλάτσκα

Λεφτερτζ — κυλάκος

Λολίκας — ανεπσιός-τυ κε δύλος-τυ (κυτσος
 κε τραδλος).

Παπας

Γιάνις — πρόεδρος τυ ζελσοβετ (κομουνιστις).

Μίτος — κομσομόλος (διεφθ. τυ αναγνωστιρίυ).

Δασκάλα — αχτιθίστκα

Σαβέλις — μεσέος χορικός

Πάβλος — κυλάκος

Θοδός — κυλάκος κ' επίτροπος τις εκκλησίας

Κιριάκος — κομουνιστις απτιν πολιτία αντιπρόσωπος
 τυ περιφεριακυ κομιτάτυ τυ κόματος

Διμίτρις — αγρονόμος

Πελαία — χοριάτις μέλος τυ κολχοζ

Χορικι, χοριάτιςες, κομσομόλι.

JOHN W. BROWN

ΠΡΟΤΙ ΠΡΑΚΣΙ

Ένα χινοποριάτικο ιλιοθασίλεμα, στο κρόπορτο τυ χοριάτι Γοργορ. Στο δέφτερο πλάνο τις σκινις φένετε το μικρο σπιτάκι τυ Γοργορ με δύο πατόματα, μα χαμιλο. Σκάλες απ'τα δεξια πυ φέρουν στην πόρτα τυ δέφτερου πατόματος. Δεξια κι αριστερα δύο παραθιράκια ανιχτα, πυ κρέμοντε αραδιάζμένα μισοκσιραμένα φασόλια κε μίλα. Στο παλκονάκι τις πόρτας γλάστρες με λυλύδια κε πάνω κρέμοντε μερικά αρμαθια κίτρινα καπνόφιλα. Στο πρώτο πάτομα πύνε πολι χαμιλο, πόρτα στι μέσι με διο μικρα παράθιρα στις πάντες. Στον πρώτο πλάνο δεξια βρίςι κε αριστερα μικρο κσιραντίρι. Ανάμεσα στο σπίτι κε στο κσιραντίρι μια μιλια. Ανάμεσα στα παχια κλαδιά-τις κάμποσο κσερο χορτάρι. Ένα στιβάδι κομένα κσίλα κάτω απ'τις σκάλες. Μακρι κσιλένιο σκαμνι κάτω στο παράθιρο, κοντα στις σκάλες.

ΣΚΙΝΙ 1.

ΕΛΕΝΙ. (Κοπέλα 18 χρονον, όμορφι, ροδοχόκινι, με πλεκσύδα, κάθιτε μέσα στην καμαρα μπροστα στο δεξιο παράθιρο κι αραδιάζει καπνόφιλα τραγυδόντας).

Ολιμερις τα λάχανα κε τα φασούλια αρδέθο
ς'ίλονος το βασίλεμαν καπνόφιλα τιζέθο.
Το μάτοπαμ εθόλοςαν μάνα άλο κι στέκο
ι κάρδιαμ θα θρυλίετε τον Γιόργομ αν κελέπο.

Αχ! ίλεμ σιν ανατολις
φέρε με το γιαβρόπομ
μιλές-με τέγια κεπορις
κε τρόγο το καρδόπομ.

ΣΚΙΝΙ 2.

ΜΑΡΙΑ. (Προτυ να τελιόσι το τραγούδι τις Ελέ-
νις, φένετε ι Μαρία απ' τα δεξια. Χοριάτιςα 40 χρο-
νον, πονιρι φυσιογνωμία. Βαστα στα χέρια-τις ένα χαρ-
τάκι κι αφυ αφικράζετε το τραγούδι πλινιάζι κάτω στο
παράθυρο κε λεί σιν Ελένι)

Κομενόχρογι!... αίκον λαλίαν πά γίνετε;

Τφυ! τφυ! να μι οματιάσκεσε... Κιαμ ι τραγοδίας,
ασι λαλίας καλίον! Αρ το πολα επίεν κε το λίγον επέμ-
νεν. Υμπαν κεν θα έρτε κι ο Γιορίκας, πολα μι θυρυ-
λέφκεσε... πίσον ολίγον ιπομονιν.

ΕΛΕΝΙ. (ντροπιαζμένι). Κε.... ντό ιπα.... για τον
Γιορίκαν θία Μαρία; Εγο.... δεν κίπα...—

ΜΑΡΙΑ. Κιας ίπες κέλα, ρίζαμ, κιας στραγό-
δεςες.

Νέικα ίσε. Κεπεκι κσένος, κεν ο νουσαλις εν.
Ντέ χπαράγουε; Ι μάνας πύεν;

ΕΛΕΝΙ. Αφκα σο μαντριν εν. Κατ'έπαθεν το
χτίνονεμυν κεφτάγιατο γιατρικα.

MARIA. Ο Θόδωρον κεν σοσπιτ;

ΕΛΕΝΙ. Γιοκ, με τον πατέραμ εν σο χοραφ.

MARIA. Θαργίζνε πολα;

ΕΛΕΝΙ. Γιοκ ατόρα υμπαν κιαν εν έρχυνταν.

ΣΚΙΝΙ 3.

ΘΙΜΙΑ. (Μιτέρα τις Ελένις, 45 χρονο, θγένι απ'τιν πόρτα τυ μαντριυ με βέτρο στο χέρι πάι στι θρί-
σι κε βάλι το βέτρο). Καλισπέρα, κυμπάρτσα. Ντό
χαπάρια;

MARIA. Καλισπέρα, κυμπάρτσα. Καλα. Μέτα
κάτ' χαρτιν έστιλανε ασο Σοβετ κέρθα να δίγα τον Θό-
δορον κε δεβάζια.

ΘΙΜΙΑ. Ελα ας κάθουμες ολίγον, ατόρα υμπαν
εν έρτε (κάθουντε στο σκαμνι).

MARIA. Ντέπαθεν το χτινόπος κυμπάρτσα;

ΘΙΜΙΑ. Ντέ κσερο, μέτα, ασοπσε κιαν κατ έπα-
θεν κε νια τρούι κε νια πιν.

Επίκα ολίγον μαλεζ κέκσα ρι γύλαναθες πέλκι
γιαραέδιατο.

MARIA. Να μι κατ εκόρτεσεν; Ι κιλιάθε πρεζ-
μένον να μι εν;

ΘΙΜΙΑ. Μέτα γιοκ, κατάλο γυρζυλαν θα εστ.
Φογόμε κατ παθαν κε χάνοματο ασα ρσέρια-μυν.
Να ίχαμε κιάλο πα τσέκλεεν.

MARIA. Κρίμαν, κρίμαν καλον χτινόπον πα εν
Τέρεν μι χάντσατο ασα ρσέριας. Τοματι επίκεσα;

ΘΙΜΙΑ. Γιοκ κυμπάρτσα, καλα ντε ντόκεσα σο νυμ. Εσι προτικαρ ίσε για πίσονα κε τοματι. Κάπιος θα οματίασενατο! Ελένι! Ελένι! για φέρον διο κυχύτσιαάλ ας τιν θίας τιν Μαρίαν, αλίγορα.

ΜΑΡΙΑ. Κια εκατον φορας ίπασε δέσον συράδ-
ναθες κεκα έναν οματοζίνιχον. Εσι νέκσεσμε.

ΘΙΜΙΑ. Ενέσπαλα, κυμπάρτσα, ενέσπαλα. Σα
δυλίας ανάμεσα πύ θα κρύγνε σο νυμ ύλια;

ΕΛΕΝΙ. (φέρει αλάτι). Ορίστε, θία.

ΘΙΜΙΑ. Ελένι, ρίζαμ! για λάνκεπσον ςι ποπα
πα κε πέατον ας έρτε χαρτοδεβάζιατο.

ΜΑΡΙΑ. Νε, νε δέβα κόριτς, ατο πα καλον εν
(Ελένι πάι ςτο παπα.).

ΘΙΜΙΑ. Υφ! Αλο τρανον πελιαν κιατο. Αςα δυ-
λίας εςκίλακσαμε κιατο τ'έβλογιμένον πα ατόρα έδρεν
τον κερόναθε ναροστεν. (Ι Μαρία φισα τάλάτι κε χασμυ-
ριέτε). Ελεπς, ελεπς κυμπάρτσα προς αποχαζμόςε! Κά-
πιος αχόρταστος οματίασενα. Με το να εςς τρανον κε
κρεατιαρ ιθακ, θαρύνε εςς κε πολα γάλαν. Σινιγιν να
εμπένε αικ ανθρωπ κιαγίκα ομάτια.

ΜΑΡΙΑ. (ςικόνετε κε χορις να μιλι πάι ςτο
μαντρι' τιν ακολουθι κε ι Θιμιά).

ΣΚΙΝΙ 4.

ΛΟΔΙΚΑΣ. (35 χρονον, ασκιμομύρις, κυτσος, τραδ-
λος, βλάκας. Φορι κυρέλια κε δαστα ραβδι. Οταν μιλάι τρέ-
χυν τα ςάλια τυ! Ερχετς κάτω απο παράθιρο κε φονάζι).

Πασσα Γοργορ! Ε! πασσα Γοργορ.
Εεεεεβγα οκσοκα ολίγον κααα θα λέγοσε.
(γυρίζει προς τον κόσμο κε κσίνι με το ραβδί τι ράχι τυ
κίστερα κσαναφονάζι). Ε πασσα! κι ακυς, Πασσα Γοργορ!
Ελένι.... κανις κιν αδα.

ΣΚΙΝΙ 5.

ΘΙΜΙΑ. (θγένοντας με τι Μαρία απτο μαντρι).
Ντό εν, ντο εν Δολίκα. Ντέπαθες κε κυις! Ντο
θελτς!

ΔΟΛΙΚΑΣ. Εγο παα εεεεθάρεςα, ουουζζε εκι-
μέθετε.

ΜΑΡΙΑ. Ντό λες πορδαλα; Μεσιμερι πα χίμι-
ζμαν γινετε;

ΔΟΛΙΚΑΣ. (γελόντας) χε χε χε χε! Κια
εεεκύκσα κε κανις λαλίαν κσεδόχετε.

ΘΙΜΙΑ. Ντό θέλτς; τίναν αραεφς;

ΔΟΛΙΚΑΣ. Τοσον πασσαμ τον Γοργορ.

ΜΑΡΙΑ. Κε ντό θα φτάσατον νέπρε!

ΔΟΛΙΚΑΣ. (κσίνοντας τα μπράτσα-τυ). Οοο πα-
σσαμ οοο Λεφτέρτς θέλιατον.

ΘΙΜΙΑ. Κε ντό θα φτάγιατον;

ΔΟΛΙΚΑΣ. Κεεεκσέρο.

ΘΙΜΙΑ. Ακόμαν κέρθεν ασο χοραφ. Ανάμνονα-
τον κιας έρτε κε πέγιατο κι. Κάθκα ολίγον ατυκα.

(Ο Δολίκας κάθετε καταγίς κοντα στο πιγάδι.)

Προμιν θελτς Δολίκα;

ΔΟΛΙΚΑΣ. (γελα) χε χε χε θέλο άμα πύεν;

ΘΙΜΙΑ. Εγώ ατόρα φέροσε. (Πάι κε το φέρι
πσομι απ'το σπίτι).

ΜΑΡΙΑ. Κομενόχρονε πάντα πιναζμένος. Κα-
μίαν κι θα χορτάις. Κατι δυλεφς, νέπρε, έμαθες τιν
οκνίαν κι άλο δεν κι γίνεσε. Οπσε κεκα εγώ κυίζοσε,
έλά Λολίκα έλα τοπλάεπσον μετεμεν λεφτοκάρια κε σι
αφιντς κε φεβς.

ΛΟΛΙΚΑΣ. Ετσάκονα καπνόφιλα σι πασσαμ τι
Λεφτερ το χοραφ.

ΜΑΡ. Κιαμ κατι φάζνεσε κίσε πάντα πινα-
ζμένος.

ΛΟΛ. Φάζνεμε . . . άμαν οολίγον.

ΘΙΜ. (το φέρι καλαμπυκίσιο πσομι). Νά, Λο-
λίκα, φα κε σχόρα τι κιρυμ τιν πσιν. (Κάθετε στο
σκαμνι κε προτίνι κε τιν Μαρία). Ελα, έλα κυμπάρτσα
ας κάθυμες ολίγον.

ΜΑΡ. Κια βραδιν κε στεκ κιόλα. Ντάργος έρχυνταν
αδύτιν ασο χοραφ (κάθετε).

ΘΙΜ. Μακρα εν κε το χοράφ-εμυν, κυμπάρα. Μέκερ
κεκσερτς πος εν σιν άκραν τι χορι' ας εν κάθκα ολίγον.
Ντάλιγορις, θαρις τα μορας κλένε.

ΜΑΡ. Ατυκα πα σοστα λες κυμπάρα. Εσι
άλο ντέφτάς;

Πότε θα έρτε ο Γιορίκας; Ελαν, μέλαν, κι μενι
ακόμαν; Χρόνος περισον εν, ας επίεν.

ΘΙΜ. Κεκσέρο γυρπάντς. Εκίνος πα ας εγέρασεν,
γράματα επίεν να μαθαν. Τε έναν μίναν εμπροστα
έγραψε-μας, τεγια θα τελούνταν σα συμα τα

κύρτσα του, κύρσια του—πος λέγνατά αμαν,—κε θα έρτε. Κεπεκι κάπου δυλεβ κέλα. Εγέντον τρανος άνθρωπος.

ΜΑΡ. Μάσσαλαχ! Εφτοχον, άμα προκομένον πεδιν εκσέβεν. Ας εζίνεν ατόρα εσχορεμέντσα ι μανίτσατ κέλεπεν ατον! Ε! κυμπάρτσα αμον τ'έρτε θα φτάτε τι χαράν.

ΘΙΜ. Ιντεν κιαν λέγοσε κυμπάρτσα, μι πιστέφσατο.

Ακόμαν σι μέσεν δεν κεν, τε σπέρτς εδόκαμε λόγον κι ασατότε κιαν αετς πα στεκ.

ΣΚΙΝΙ 6.

ΠΑΠΑΣ; (Μπένοντας απ'τα δεξια μαζί με την Ελένι χερετα, ι γινέκες με μιας σικόνοντε). Καλισπέρα.

ΘΙΜ.-ΜΑΡ. Καλισπέρα, πάτερ.

ΠΑΠ. Ντο έπαθεν το χτινόπος;

ΘΙΜ. Πάτερ κεκσέρο, κατ γυρζυλας εσέδενατο κια σοπσε κιαν εκατέβασεν τοτία κε νια τρούι κε νια πιν.

ΠΑΠ. Κε πύεν ατόρα;

ΜΑΡ. Αφκα σαχυρ εν πάτερ.

ΠΑΠ. Αρ φέρτε έναν κεριν κιας πάμε.

ΘΙΜ. Νέ, Ελένι για δέβα φέρεν ασα ικόνας κεκα εναν κερόπον.

ΕΛΕΝΙ. Ατόρα (πάι να φέρι κερι).

Ο παπας κε ι Θιμία πάνε σο μαντριν.

ΕΛΕΝΙ. (γυρίζοντας με το κερι βλέπει τον Δολίχαν).

Α! Δολίκα! ντο χαπέρια; Ατυχα ντο κάθσε; (μπένι στο μαντρι).

ΔΟΔ. (γελα) χε! χε! έμορφα...

ΣΚΙΝΙ 7.

(Μπένουν απτ'αριστερα στι σκινι ο Γοργορτς κι ο Θόδο-
ρον φορτομένι με καλάθια γιομάτα πράσινα φίλα καπνυ.
Τα βάλουν κοντα στις σκάλες κε διεφθίνοντε στι όρissi
να νιφτυν).

ΓΟΡ. (χορικός φτοχομεσέος, 48 χρονον με μάδρα
μυστάκια κε γένια πυ κε πυ ασπρίζουν. Φορι ρύχα τις
δυλιας, πρόσωπο πυ διχνι ενέργια μα κε πίζμα).
Νέπρε, Δολίκα! ατυχα ντό κάθεσε;

ΔΟΔ. (Σικόνετε κε τρίδοντας τα πράτσα-τυ).

Ε-ε-ε-ε-ε ρεν α-α αναμένο .

ΓΟΡ. Κε ντό θα φτάσμε νέπρε;

ΘΟΔ. (Γιος τυ Γοργορ 23 χρονον, κόκινος ενε-
γιτικός, πεδι τις δυλιας).

Ελένι πύ ίσε, φέρεν αλίγορα ραπον κε το περρκιρ,
θα νίφκυμερ. (Ι Ελένι θγένι απτο μαντρι κε πάι μέρα
στο ρπίτι να φέρι ραπόνι κε πετςέτα).

ΔΟΔ. Ο-ο-ο-ο παρραμ -ο-ο-ο-ο- Δεφτέρτς ίπεμε
δέδα πε το-ο-ο-ο-ν π-α-α-α-αμ τ-ό-ο-ο-ον Γοργορ α-α-ρ
έρτε ατρελέα ρ-ο-ο-ο-ο-ρπιτ κερρ (ι Ελένι φέρι το ραπό-
νι με τιν πετςέτα κε δάλι νερο να νίθετε ο πατέρας τισ).

ΘΟΔ. Ταμαμ . . . έδρεν κεκίνορ-πα τον κερόνατ!
Συκ ατόρα νεγκαζμένορ, νεγκαζμένορ ντορ τον ανέφορον.

ΓΟΡ: (ενο νίθετε). Νέπρε Δολίκα δέδα πέατον αρ
έρτε εκίνορ . . . Για . . . ερτα μι παρ . . .
αρ απονεγκάρκυμε ολίγον κε πεκι πάμε (ρκυπίρτετε).

ΘΟΔ. (ενο νίθετε). Το πετςάνπαρορ γομάτον
εν, Δολίκα;

ΛΟΔ. (γελώντας) χε! χε! χε! Α-α-α-κόμαν κ-α-α-α-α-α-λα κεεεγομόθεν.

ΕΛΕΝΙ. Ατος ο κυρεμένον πάντα πιναζμένος εν.

ΘΟΔ. Τσι θα φαζ κιατον τον πυγαλεμένον να χορταζ το μάτνατ . . . Σοστα κι λεγο Δολίκα;

ΛΟΔ. (γελώντας βλάχικα) χε χε χε! Σοστα λες.

ΓΟΡ. (Κάθετε κοντα στις σκάλες κε τιλίζι τσιγάρο). Ε! ατόρα τρος με τ'εμας Δολίκα, κεπεκι πάμε ρι πασσαμ τι Δεφτέρ κες.

ΛΟΔ. (γελα κε κσίνι τι ράχι-τυ) χε χε χε! καλον.

ΘΟΔ. (σκυπίζοντας τα χέρια-τυ). Μέτα Δολίκα εσι πάντα γελας. Σοστος γελαστέας.

ΛΟΔ. (κσαναγελώντας) χε χέ-ε-ε-ε κι-α-α-α ντο ν-α-α-α φτάγο;

ΓΟΡ. (στιν Ελένι). Ελένι, ντέφται το χτίνον; πό εν;

ΕΛΕΝΙ. (πιγένοντας μέσα το σαπόνι κε τίν πετσέτα). Εγκαμε τον ποπαν ναπορκίζιατο τα! Αφκα ρο μαντριν ίνε.

ΘΟΔ. Ντεπίκετε, ντεπίκετε; Τερ τα κοντα τα χύλια, πως θα χάνε το χτίνον; Το προι ίπατεν έπαρτα κε δέβα ρο γιατρον κε κίνε κσαν τι καλομάνασατς τα γιατρικα εφτάι;

ΓΟΡ. Ας εν ατο πα καλον εν, βοιθα. Πυ θα εκυβάλ-νενατο ατόσον στράταν;

ΘΟΔ. Εγο άμον τελέπο, εσι θέλτς να χάνομε το χτίνον ασα ρσέριαμυν.

ΣΚΙΝΙ 8.

(Κοντέδι να σκοτινιάσι - βγένουν απ' το μαντρι ο παπας ι Θιμιά κε ι Μαρία. Ι Ελένι βγένι κε κάθε-
τε κοντα στην πόρτα πάνω στις σκάλες).

ΠΑΠΑΣ. Καλιςπέρα, πασσα Γοργορ.

ΓΟΡ. Καλιςπέρα πάτερ, έλα, κάθκα. Πός εν το
χτίνον να μι απλον τα τέσερα;

ΠΑΠΑΣ. (κάθετε, κάθιντε ολόγιρα κιάλι). Πρότα
ο Θεος, δεν κι παθαν.

ΜΑΡΙΑ. Αρ το ματί-πα επίκαμα κεπόρκσαματο
κιέλα, άλλο τιδεν κι παθαν.

ΘΟΔ. Εγo λέo πατέρα πυρνα Κερεκι εν· δουλίαν
κείς έπαρτο κε δέδα σο γιατρον.

ΠΑΠΑΣ. Νε ο γιατρον πα να τεριά καλον εν.

ΘΟΔ. Πάτερ, εσι ίπες, άμον ντο λεί έναν μεσελ.
Ενας κοδέσπενα ίσεν πολα πεντικύδια σο σπίτνατς. Κε
για να χάνιατα, εκύκσεν τον ποπαν κε πίκεν σο σπίτ-
νατς αγιαζμον.

Αρ ας επίκεν ο Ποπας τον αγιαζμον κιςτέρια,
σο πάσιμονατ απαν ίπενατεν «εβλοιμέντσα, τσεζμον πα
καλον εν, άμαν εσι κσαν τέρεν κε καποθεν τεριάτσεπον
έναν κατοκυλόπον.

ΔΟΔ. (γελόντας δυνατα) χε χε χε χε! κ-α-α-α-α-α-
το κυλόπον νε;

ΓΟΡ. Κοπσoνα, νέπρε. Εσι πα ακόμαν απατα κι
κοφτ ο νύςις τσαχαλτε ίσε. Μι τερικ τα τορινυς πασταν
τεδιαδόλεπσαν. Χορις θευ βυλιν φίλον κι λαίετε!

ΜΑΡΙΑ. Θόδωρε, για τέρεν αθύτο το χαρτίν ντό γραφτ. Οσίμερον έστιλανεματο ασο Σοβστ.

ΘΟΔ. (Διαβάζι μες το νύ-τυ). Ετίμασον τα τριανταπέντε μανάτια για το ναλογ.

ΜΑΡ. Νέπρε, ντό λες; Τέρενα καλα κατ λάθος θα εδέδαες;

ΘΟΔΟΡΟΣ. Μέτα ντό λάθος λέςμε; Τρίτσατ πιατ ρυπλέι ιςτε, πόλςσε νιτσεβο. Θα τσαφίεσε τεμιακ τα 35 μανάτια, βερ σελιαμ! ατο εν!

ΜΑΡ. (με αγανάχτιςι πέρνοντας το χαρτι απ'τα χέρια-τυ). Τφυ αναθεματς ι παλαλι, ατιν πασταν εγα-τσύρεπσανατο! Απόθεν θα δίγατς νέπρε τα 35 μανάτια;

ΘΟΔΟΡΟΣ. Μέτα 35 μανάτια πα ντο ιν για τεσεν; Χοραφ έις, χτίνον έις, άλογον έις. Κεπεχι ιμψον τεσετίναν πα φοντυκλυκ έις κεςι πάντα κλες το κιφάλις.

ΜΑΡ. Νέπρε χα θα φτάςμε κε βλαστιμο ατόρα!

Εχο! έχο! ντο μετεμέν-μι εγόρασανατα γιόσκςα γιοκ; Πυ δουλέβθματα εγο κε το πεδιμ ίμες, παςςκι δουλέβθματα εκιν;

ΘΟΔ. Νε μέτα, εσις δουλέβετιατα με τι χόρας τα ςσέρια.

ΠΑΠ. Ι χόρα, ατιν το ίδιον εν, τατινες ίνε.

ΓΟΡΓΟΡΤΣ. Κόπςονα, νέπρε! τεσον δουλίαν κεν (στον Δολίκαν). Δολίκα, για ςυκ ας πάμε, δεν κιλες κιόλα. Ατόρα ο παςσαμ ο Λεφτερτς αναμεν.

ΣΚΙΝΙ 9.

ΛΕΦΤΕΡΤΣ. (45 χρονον, κόκινος, άγριο πρόςοπο, παχίς, κιλαρας με παπάχι στο κεφάλι κε χοντρο παστύνι στο χέρι. Μπένοντας απ'τα δεξςια).

Καλισπέρα.

ΟΔΙ. Καλισπέρα, καλισπέρα.

ΔΕΦΤ. (βλέποντας τον Δολίκαν). Νέπρε εσι ακόμαν
αδακα στεκς; Ταμαμ! σο γιανκυν να στίλνεσε άνθρωπος
ίσε! Αμε χαθ αλίγορα σο σπιτ, ανεβλόετε!

ΔΟΛ. (παραπονιάρικα) Ε-ε-ε γο ι-ι- ιπά τοκι.

ΓΟΡΓ. Αφσατον πασσα Λεφτερ, ατος κεσσ το
καπαετ. Ακόμαν απράνον έρθα ασο χοραφ. Ιπατον ας
αναπάυμες ολίγον κεπεκι πάμε.

Ελά, έλα κάθκα (ι γινέκες σικόνοντε κε το κάνυν
θέσι).

ΔΕΦΤ. (κάθετε). Μέτα εσις κιςέρετε ντανεβλόετον
μιλέτ εν ατος. Ι οκνία ασο μιτίνατ κεκα τρεσσ. Αντσαγα
να τρόι εκσερ.

ΘΙΜ. Χάσονατον τον κυρεμένον πασσα Λεφτερ.
Θαρις κε κέρνατον.

ΘΟΔΟΡ. (αφν ρίχνι διςαριστιμένι ματια στην παρέα
σικόνετε κε διεφθίνετε στο μαντρι). Ας πάγο τερο, ντέ-
φται το χτίνον.

ΘΙΜ. Ελένι για δέ θα θάλεν κεσι το τραπεζ αλί-
γορα (ι Ελένι μπένι μέσα).

ΓΟΡΓ. Ντο ατσαλιαν θυλίαν έτον κέρθες ενενκά-
στες υς αδαπάνκεκα, πασσα Λεφτερ.

ΔΕΦΤ. (κσεροβίχι, κάνι τσιγάρο κι αφν κιτάζι
ολόγερα αρχίζι). Αςσκεμα θυλίας πασσα Γοργορ, αςσκεμα.
Ο Βασιλτις τεμέτερον έρθεν οσίμερον ασιν πολιτίαν κένκεν
άγρια χαπάρια.

ΠΑΠ. κε ΜΑΡΙΑ. Χαιρ όλα! ντό εν;

ΛΕΦΤ. Επίγαν ίπεν πολι κομουνιστ σα χορία να διοργανόνε κολχόζια.

ΘΙΜ. Φογόμε θάρχουνταν κε σεμέτερον το χορίον! νέ;

ΛΕΦΤ. Αρ ακσέστε. Οσίμερον, πυρνα αμον τομιαζ θάρχουνταν κε σεμέτερον το χορίον κιατότε εχάθαμε.

ΓΟΡΓ. Ε! καλα λεί! κε ντόιν ατα τα κολχόζια;

ΛΕΦΤ. Μέτα ο θεος να θαλ το σεέρνατ κε γυρ-
ταρέβμας. Οπος λέγνε., θα ενόνε υλονον τα χόματα, τα
πακσεάδες κε το θίον θεφτάγνατα έναν. Κιατα ολίγα ιν,
θα κλιδόνε πάτερ κε τεκλισίας.

ΜΑΡ. (σταδροκοπίετε). Ιμαρτα, Παναγία, ίμαρτα
τερ πως εσύμοσεν τι κοζμι το τέλος.

ΠΑΠ. Μέτα ζατι σιν αποκάλιπσιν γραμένον εν το
θα έρτε αντίχριστον σον κόζμον· αρ ατιν ίνε ιςστε. Τατι-
νέτερον το πρόγραμμα εν, να πολεμόνε τιν πιστ, τι
χριστιανυς, κε να κλιδόνε κε τεκλισίας. Αμαν το δέ-
φτερον ι παρυσία οπισ εν. Ατότε θα χορίγουνταν τεγίδια
ασα πρόδατα.

ΛΕΦΤ. Εναν κιάλο εν. Εντάμαν θα κίνταν υλ
ζέναν τρανον γιοργαν αφκα. Αντρας, γινέκα, κσεν,
σινκενι, χάταλα, κορίτσια, αγύρια, ύλ εντάμαν θα
κίνταν.

ΓΟΡΓ. Μέτα, πασσα Λεφτερ, ο σεκίλον τον σαγα-
πίνατ κι θα εγνορίζ πε κε στα τύλα.

ΛΕΦΤ. Νέ, νέ μέτα, σεκιλ ζοιν. Θα τρος ίντιαν
φάζνεσε θα πιντς, ίντιαν ποτίζνεσε κε θα φτας, ίντιαν
εφτάγνε υλ. Το χοράφισ, το σπίτις, ι γαρις, τα χάταλας,
τα χτίνιας, τάλογας, ύλια, ύλια σα κσένα σεέρια.

ΘΙΜ. Αφέντα αίκον δουλίαν κι γίνετε κατ λάθδς
θα έχσεν ο γιος.

ΛΕΦΤ. Ντο λέγοσε άκσον Θιμία. Σι Ροσίαν απας
υζζε επίκανατο. Μέτα ο κόσμος ύλεν εσκόθεν σο ποδαρ
κε σι λες αίκον δουλίαν κι γίνετε.

ΜΑΡ. Τσάνουμ ατιν πασσαν ετσιθύτεπσανα. Ταν-
θροπς υλτσ έναν μι θέλνε να εφτάγνε πασσα Λεφτερ;
Αν ίνταν καμίαν έναν αβύτα τα δάχτιλαμ, θα γίνταν
κιανθροπ. Ο θεος πα να ποδεδίζατον πάτερ κι κρεμιζ
απάνατον γιουλτυρουμ κε καφτ κε χάνιατς.

ΠΑΠ. Ο θεον Μαρία αργι, αλα δεν λιζμονι. Μι
φογάσε αλίγορα θα χάνταν.

ΓΟΡΓ. Μέτα, ατο πολα άγρεν χαπαρ έτον,
πασσα Λεφτερ!

ΣΚΙΝΙ 10

ΘΟΔΟΡΟΣ. (Βγένοντας, απτο μαντρι πλσιιάζι ετιν
πόρτα).

Μανα, άλο ντό κάθεσε; εσχοτίνεπσεν, συκ ετίμασον
τιδεν ας τρόγομε, εγο επίναςα.

ΘΙΜ. Νε ρίζαμ, για έβγα απαν, τέρεν Ελένι ετί-
μασεν το τραπεζ. Ατόρα έρχουμες κε μισ κε τρόγομε.
(Ο Θόδορος αναθένι τις σκάλες κε μπένι στο δομάτιο,
ανάβι τιν λάμπα. Προβάλι κε το φενκάρι, φωτιζι όλος
κατα πρόσωπον).

ΓΟΡΓ. Ασκεμα, άσκεμα χαπάρια πασσα Λεφτερ!

ΜΑΡ. Κιαμ ατόρα ντό θα εφτάμε; δεν κιλες
πασσα Λεφτερ;

ΛΕΦΤ. Εγο εκσέρετε ντο λέγο; Πρεπ να εκόνο-
με το χορίον σο ποδαρ, αετς έκριναμε έβλογον εγο, ο

Πάβλον, ο Θοδόις κε κάμπους νοματι κιαλ. Πυρνα Κερεκι. Εμεις εκσέρομε προς ατιν ι κσιμιτι όμπαν εν αποπς γιαχοτ πυρνα απο πυρνω θα φιτρόνε. Αρτυκ θα κύζνε τι χορετς κε φτάγνε σαπράνιαν. Θα σκύνταν κε λέγνε κε λέγνε, θα τάζνε τι χορετς τι κοζμι τα κα-
λοςίνιας. Κάμπους παλτυρυτσιπλαγς, περεκεντέδες θα γαντυρέδνε.

Ασάλο τι μερέαν πα, αβύτα τεμέτερα τα τσαχτύ-
νια τα κορσομόλια πα κι θα στέκνε, θα γομόνε κε είρ-
νε κε κίνα ςον αέραν. Θα λέγνε πολλα χόμαν πέχνε ας
πέρομα, κε πεκι ας χτίζομε, ας χαλάνομε, κέναν τσιριν
πελιάδες. Εγώ λέγο αποπς ολίγον ας τανυσζέφκυμες με
τι προκομεντς τι χορίεμυν κε πυρνα υλ ςέναν στόμαν
χατέδομε τι σκιλ τα πεδία κε τελίτε ι μεσελε.

ΜΑΡ. Πασσα Λεφτερ κια κάπος πρεπ να φτά-
ματο να έρτε ςο πιτσιμ.

ΛΕΦΤΕΡ. Αρ ακσέστεν ντό πλάνον επίχαμε εμεις
με τον Πάβλον κε ταλτς. Εσι πάτερ, εμεις, ι Μαρία,
αρεν κε ο πασσαμ ο Γοργοτς. Αποπς πρεπ να πάμε
ςα κάμπουσα σπίτια κε λέγοματς κε εκσιγίζοματς ύλεν τιν
δυλίαν προς εν. Αδα ςο ςεφερ εις ι γινεκ πρεπ να πέ-
ρετιατς γαρςσι. Πρεπ να έρχουετυν υλ ςιν σαπράνιαν
κιαρτυκ ςκαλόνετε κε κυίζετε. «Αφίστεμας ίσιχυσ, ας
ζόμε άμον τ' εζίναν ο κιν κι μάναμυν. Εμεις κολχόζια
κιθέλομε. Πίςτι, πατρίδαν, κολχοζ μιανκέδστε κςάι κιασο
κιφάλνεμυν κιαπαν τόπον έςςετε.» Κιαν κεν κε τερίτεν
πιζμόνε, ατότε υλ ςέναν στόμαν κυίκετε. Αχα ςε ςας
το σπίτιαμυν, το βιονεμυν κε τα χόματαμυν πα. Δόστε
μας στράταν θα πάμε ςιν Ελλάδαν.

Ατότες θέλνε κι θέλνε θα πολένημας κε θα δια-
θένε πλαν. (Τον Λολίκαν). Εσι πα νέπρε, άκσον ανε-
βλόετε. Πυρνα δέβα σι σαπράνιαν κε τσάικσον κε κύικσον
κε σι. Κιθέλομε κολχοζ! δεβάτεν χαθέστεν! Εκσες;

ΛΟΔΙΚΑΣ. (Γελόντας φονάζι δινατα) χε!χε!χε!
κιθέλομε κοοοοοολχοζ!

ΛΕΦΤ. (Θιμομένα). Κόψσονα! αβανακ! τον κόζμον
φοτίαν θα δις! Πασκιμ το ίπασε κύικσον ατόρα; πυρνα
θα κυις σι σαπράνιαν. Εγρίκσες;

ΛΟΔ. Εγρίκσα.

ΘΙΜΙΑ. Ε! ναιλίεμας ντό ιμέρας έχομε ακόμαν
να ελέπομε.

ΘΟΔ. (Μεσ' απτο σπίτι). Μάνα, αρ ελάτεν τα!
επσόφεσα ασιν πίναν, τάλα πα λέτε πυρνα.

ΠΑΠ. Πασσα Γοργορ τεσέτερον ο Θόδορον πα
κσάι κι καλοφένετεμε. Σα τελεφτέα πολα ρυζ κε σκύτε
με τα βύτα τα τσαχπύνια... τα καμσομόλια λέγο να μιν
τίχι κε....

ΓΟΡΓ. Γορπαν εφτάγατον ατότες σο σπίτιμ, κρύο
κε θέκατον ομάλια.

ΜΑΡ. Γιοκ πάτερ ο Θόδορον να μι οματιάετε,
καμίαν ασιν βυλιν τι κιρύατ κεβγεν. Ισιχον κε σοβαρον
πεδιν εν.

ΘΙΜ. Το γιριζ με τε κιντς μιτερίτε. Εκίνος κα-
μίαν σον κιρ κε τι μάναν-ατ γαρσσι κεβγον.

ΛΕΦΤ. Τσάνυμ Θιμία τα τοριζνα τα πεδιά κατ'
αγνα εγένταν. Πάντα πρεπ κανις να φοβάτιατα τον

κίρ κε τι μάναν θαρέα κιακούνε. (σικόνετε) Ε ας πά-
με κιόλα.

ΠΑΠ. (Σικόνετε) Νε ας πάμε, επέρασεν ο κερσ.
Καλινίχτα.

ΓΟΡΓ. (Σικόνετε) Καλινίχτα πάτερ. Πυρνα σιν
εκλίσιαν κεκα κσαν ανταμόνομε κε τερύμε ντο θα εφτάμε.

ΘΙΜ. Ας έτρογαμε, κε πεκι επέγνετε.

ΛΕΦΤ. Γιο το φαιν άλο όρεκσιν απομένμι Θιμιά!
χάιτε, Μαρία, εσι κιθάπας;

ΜΑΡ. (Σικόνετε) Πος κι θα πάγο πάσσα! Εγο
αρτυκ αποπς θα θαέβο. Ε! καλινίχτα πασσα Γοργορ,
καλινίχτα Θιμιά.

ΓΟΡΓ. (Πάι στο μαντρι) Καλινίχτα, καλινίχτα!
Γιάστερο κεγο ντέφται το χτίνον.

ΛΕΦΤ. (Στον Δολίκα) Χάιτε κε σι νέπρε! Αλο
ντό κάθεσε;

ΔΟΛ. Εεεγο θααα τροσόγο κεπεκι.

ΛΕΦΤ. Τφυ! αναθεμάσε αχόρταστε! Εσι καμίαν
κι θα χορτάις μι νέπρε;

ΘΙΜ. Αφσατον πασσα ας τρώι με τεμας κε
πεκι έρτε.

ΛΕΦΤ. Άσεν. Αμον το τρος έλα αλίγορα σο
σπιτ, νέπρε. Εκσες; θέλοσε. Καλινίχτα.

ΘΙΜ. Καλινίχτα, καλινίχτα (τυς προβοδίζι κίστε-
ρα γιρίζοντας στον Δολίκα) χάιτε, Δολίκα μι στεκς
άλο, δέβα απαν κάθκα. Ατόρα έρχυμε κε τρώομε. Ας
τερο ντέφται το χτίνον.

Ελένι για φέρον έναν κερόπον. (Ο Δολίκας ανεβένι τις σκάλες, ι Ελένι φένετε με αναμένο φος ετιν πόρτα, ι Θιμία πιγένι προς το μαντρι).

ΓΟΡΓ. (Βγένοντας λιπιμένα). Πύ θα πας; Το χτίνον επσόφεσεν!

ΘΙΜ. κε ΕΛ. Ντό λες!

(Το κερι πέφτι απτα χέρια τις Ελένις ο Δολίκας μνίσκι ετι μέσι τις σκάλες, απολιθομένος· ι Θιμία πιάνι το μαλιά-τις, ο Γοργορτε ακυμπα κοντα ετι πόρτα με το κεφάλι κάτω).

Α Β Λ Ε Α

ΔΕΦΤΕΡΙ ΠΡΑΚΣΙ

Σε μια πλατεια το χωριω. Στι μέσι προς το βάθος καριδια κι ολόγिरα στον κορμό-τις καρφομένο σανιδένιο κάθιζμα. Πίσο απτιν καριδια φράχτις πλεγμένος πυ χορίζι τιν πλατία απέννα χοράφι καπνοφιτεμένο. Στο βάθος φένοντε θυνα κε δάσι. Στάρικτερα προς το προσκίνιο αναγνωστήριο, μικρο σπιτάκι με εκσόστι απσιλότερο απτι γι κατα ένα μέτρο· κάμπορες εκάλες πυ φέρουν στον εκσόστι το αναγνωστηρίυ. Πάνο στον εκσόστι διο τραπέζια με κάμποσα κσίλινα εκαμνια ολόγिरα. Πάνο στα τραπέζια εφιμερίδες κε περιοδικα. Στάρικτερα σορος απο πέτρες κε χαλαζμένα χαμιλα ντυβάρια. Ανάμεσα στα χαλάζματα χαμόκλαδα.

ΣΚΙΝΙ 1.

Γιορίκας, δασκάλα κε πρόεδρος.

ΓΙΟΡΙΚΑΣ. (Νέος, 26 χρονον, όμορφος με επι δλιτικά χαρακτηριστικά, φρεσκοκσιριζμένος λεπτο μουστάκι, φορι δερμάτινο σακάκι, καλιφε χακι, απσιλα ποδίματα, χακι καπέλο στο κεφάλι κε χαρτοφιλάκιο στο χέρι. Μαζί-το ι δασκάλα το χωριω, νέα 22 χρονο αχτιδίστικα, φορι γκρίζο φουστάνι κι άσπρι πλύζα.

Στο κεφάλι δεμένο κόκκινο μαντίλι. Κατόπι-τός ο πρόεδρος του Σελσοβετ χορικός 30 χρονών φτοχα φορεμένος στο κεφάλι-του κυκύλα. Κομμουνιστής. Βγένουν απτα χαλάζματα. Πάνε στάναγνοστήριο).

ΓΙΟΡΙΚΑΣ. (κιτάζοντας τὸ ρολόγι-του) Ἰ ὅρα ἐντεκα παρα κάρτον εν. Ατόρα υμπαν εν θα τοπλαέφκυνταν ἰ χορετ.

ΔΑΣΚΑΛΑ. Ατόρα ας κάθουμες ολίγον σάναγνοστήριον κεκα κε τερύμε ο Μίτον πα ντέπικεν (πάνε στάναγνοστήριο κε κάθοντε σένα τραπέζι). Μίτο που ίσε, έβγα οκςσοκα αγλίγορα.

ΣΚΙΝΙ 2.

ΜΙΤΟΣ. (Διεφθιντής του αναγνοστήριου κομμομόλος 19 χρονών). Ατόρα έρχυμε (βγένι έκσο κε καλιμερίζι).

ΓΙΟΡ. Μίτο, εδόκες χαπαρ ύλεν το χορίον όπος ίπαμε το θράδον;

ΜΙΤ. Ύλτσ, ύλτσ πα ιδοπίσαν τα πεδία. Ἰ ὅρα ἐντεκα υλ θα έρχυνταν.

ΓΙΟΡ. Εσι δεν κέμαθες ασι χορετς, Γιάνε; ντό λέγνε;

ΓΙΑΝ. (Πρόεδρος του σελσοβετ). Άμον τάπεφάσι-σαμε το θράδον σι γιατσίικαν, τα πεδία ερχίνεσαν γάλια, γάλια να προετιμάζνε τι νεολέαν κε τέφτοχες τι χορετς. Εγο πα ίπατο κάμποσα νοματς μεσείς. Αρ κανις γιοκ κίπεν υλ θέλνε να γίνετε το κολχοζ. Κάμποσα νοματι μονάχον ερχίνεσαν σο προστίριγμαν, κιαμον τόμιαζ φένετε κάπιος ταραζ τι μέσεν. Αμαν εγο εθαρο ἰ περισι με τεμας θα ιν.

ΔΑΣ. Νε: ι γινεχ πα ερχίνεσαν σο καθεζελουχ,
εκυμυλιάγαν ζιν εκλίσϊαν κεκα κερχίνεσαν σο ζυκάκεμαν.
Ι Μαρία, ι Μαρία κατ έλεενατς, κε λάϊζεν κε τα χέριατς.

ΓΙΟΡ. Σι σαπράνιαν θα φένετε απόθεν θα φισα
αέρας.

ΓΙΑΝ. Μι φοδάζε Γιορίκα, εγο εκσέρο ι περισι με
τεμας θα ιν. Θα γίνετε το κολχοζ.

ΓΙΟΡ. Εγο ζατι υς να μι διοργανόνο σο χορίον-
εμυν κολχοζ πυθεν κι πάγο.

ΜΙΤ. Τεμέτερον ι κυλαχ επέραν φωτίαν, εσις
κεκσέρετε. Φένετε κάποθεν επέραν χαπαρ κερχίνεσαν
προπαγάνδαν σα κριφα κε σα φανερα.

ΓΙΑΝ. Δεν κε πορυν να φτάγνε τα πυςστιρίζματα.
Εκιντς αν θα τερύμε πρέπ να δίγοματς κιάλο χόμαν,
κε ναλόγια πα να μι πέροματς... Να δυλέδνε αλ κεκιν
να κίνταν ομάλια κε πρέσκυνταν τα κιλίασατυν.

(Ακύντε τραγούδια. Τραγουδυν κάμποσι κομσομόλι
μαζι με το Θόδωρο στα παρασκίνια. Πρώτα απο
μακρια κε σιγα σιγα πλσιδιάζυν).

1. Σο κιφαλτς δέσον κόκινον χάσον το ταραπολόζι
υλ εντάμαν αδελφικα θα πάμε στο κολχόζι.

2. Αλο κι θέλο το μακελ κι θέλο τάλετρόπον
τα χόματα απαν αφκα εφτάι το τραχτορόπον.

3. Τεμον τάρνιν εν όμορφον τόνομανατς εν Όλγα
άλο πολα αγαπόατεν τε γράφεν καμσαμόλκα.

ΓΙΑΝ. Ακυσ Γιορίκα, ακυσ τα νέα τα τραγοδίας
τέδγάλνε τα πεδιάμυν!

ΣΚΙΝΙ 3.

(Μπένουν απτα δεξια μια παρέα κορσομόλι, ο Θόδωρος κε ένας λιριτσικς).

ΓΙΟΡ. (Άμα τυς βλέπι πάι ετιν προιπάντις!-τυς). Πράβο πεδία! Ο, Θόδωρε, Θόδωρε εσι πα εντάμαν (τον ανκαλιάζι κε φιλιούντε, ι άλι προχορυν προς τον εκσόστι, τυ αναγνωστιρίυ). Ε! άλο ντο χαπάρια, καλα ίζε; Ντέφται ι Ελένι, ο πατέρας, ι μιτέρας καλα ίνε;

ΘΟΔ. Ύλ πα καλα ιν. Κατέρχυνε σο επιτ κες; Αετς μεφτάγνε; Έρθες το βράδι κε σο επιτ κες κςάι κιογραεφς!

ΓΙΟΡ. (Ανκαλιαστα με το Θόδωρο προχορι προς το αναγνωστιρίο).

Μι θυμοντς Θόδωρε, αργος έρθα το βράδι κε πεκι ίχα κι ατσαλιαν δυλίαν, κεπόρεσα νάρχουμε.

(Ι δασκάλα κι ο Μίτος μιλυν κε κυνυν τα χέρια)

ΘΟΔ. Εμαθα τα δυλίαις. Κατ εστίλνες κε κύϊζες κεμεν; Κεκερτε ντο ίμε παντα με τεσας;

ΓΙΟΡΙΚΑΣ. Ας έν κάθκα κιπιραζ. Οπατέρας ντό θα εφτάι ατςάπα Θόδωρε, θα εμπεν σο κολχοζ;

ΘΟΔ. Ερότεμαν πα θέλμι; Πος κι θα εμπεν; Τα χόματατ μι ίν πολα, γιόκσα το βίονατ;

Κεπεκι εκίνος αν κι θελ εγο θα εμπένο μονάχος.

ΓΙΟΡ. Μαλατετς Θόδωρε, αέτς θέλοσε.

ΔΑΣΚ. Τιν Ελένιν κατ' εφέρνες με τεσεν Θόδωρε;

ΘΟΔ. Κια εγο ασο προι κιαν με τα πεδία γιρίζο αδακες κε σο επιτ κες κεπίγα.

ΕΝΑΣ ΚΟΜΣΟΜ. Πεδία χάιτε ας πατόμε κα έναν λάζικον ος να τοπλαέφκυνταν ι χορετ.

ΟΛΙ ΜΑΖΙ. Νε, νε έναν χορον. (Πάνε στι μέσι τις πλατίας κε χορέβυν ζέρα, εχτος τι Δασκάλας κε τον Γιορίκαν).

Ιστερα όμος πάι κι ο Γιορίκας, άμα τον προσκαλι ο Θόδορος).

ΘΟΔΟΡΟΣ. Ελα έλα Γιορίκα, ατόςον κερν κε ροθίμεσες τι ζέραν;

ΣΚΙΝΙ 4.

ΔΟΛΙΚΑΣ. (Μπένοντας απ' τα χαλάζματα βλέπι προς χορέβυν, ενθουσιάζετε κε χτιπόντας με ριθμο τα παλαμάκια γελα). Μασαλαχ, χα, χα, αετς μίαν κιάλο επάρτιατοκα (ι χορικι ολίγον κατ' ολίγον μαζέδοντε).

ΓΙΟΡΙΚ. (αρπαζ τον Δολίκα, απτο χέρι κε τον θάζι στο χορο). Δολίκα, Δολίκα, έλα δα αφοριζμένε!

Χόρεψον αλίγόρα. (Ο Δολίκας χορέδι άγαρπα κε κομικα, κέτσι προκαλι τα γέλια, ο Γιορίκας πάι στα-ναγνωστήριο).

ΣΚΙΝΙ 5.

Μπένυν στι σκινι απ' τα διάφορα μέρι χορικι, μετ' ολίγον μπένυν ι Μαρία ι Θιμία, κατόπιν τυς ο Γοργορτς. Ιστερα φένετε, κε ο Λεφτερτς, ο παπας, ο Θοδόις κι ο Πάβλον: Αλι κάθουντε ολόγिरα στα χαλάζματα άλι κάτο στιν καριδία, άλι κοντα στις σκάλες κε κιτάζουν τυς χορέδοντας.

ΓΙΑΝΕΣ. (Βγένοντας απτο χορο). Ε! εκανέθεν τε χορέψαμε πεδιά. Ας αρχινόμε σι σαπράνιαν· ι χορετ στοπλαέφταν (πάι στο τραπέζι, όλι πιάνουν μερος· άλι καθιντε κε άλι στέκυν).

ΣΚΙΝΙ 6.

ΓΙΟΡ. (Βγένοντας απ'ταναγνοστήριο). Ας αρχινώ-
με πασσα Γιάνε (κάθετε στο τραπέζι).

ΓΙΑΝΕΣ. Χορετ ακσέστεν. Τοσιμερνον ι σαπράνια
εσσ τρανον σιμασίαν. Ας χορίζομε ατόρα έναν πρόεδρον
κε γραματέαν κε αρχινώμε. Πέτε τίναν θελετε πρόεδρον
κε γραματέαν;

ΚΟΜΣ. Πρόεδρος εσι κε γραματέας ι δασκάλτσα.

ΓΙΑΝ. Αλο καναν κέσσετε να λέτε.

ΘΟΔΟΡ. Εσι πρόεδρος ισστε κι δασκάλτσα γρα-
ματέας, άλο τίναν θέλτε;

ΓΙΑΝ. Ε, ατότε όπιος θελ ας εσκον το εσέρνατ
ας τερύμε (ι περισότερι εικόνουν τα χέρια-τους). Ε! Δα-
σκάλτσα, έπαρ χαρτιν κε κοντιλ κε γράψον ας τερύμε.
(Ι δασκάλα εχτελι). Ατόρα χορετ ίσιχα κε τ'οτία δεκα-
τέσερα νακύομε ντο θα λεί-μας ο Γιορίκας. Θα φτάι
τακλατ για το κολχοζ.

ΓΙΟΡ. (Σικόνετε κατεβάζι το καπέλο-του κι αρχίζει
να μιλα δυνατα κε καθαρα).

Σίντροφι! Τεμον το σιμερινον το τακλατ θα προσπαθο
να φτάγα απλα κε κοντολογις ύλ να εγρικάτε ντο θέλο
να λέγοσας. Ι Σοβετικι κιβέρνιςις, όπος εκσέρετε πάντα
προσπαθι να καλιτερεβ τιν ζοιν τεργατίον κε τι χορετίον.
Για να ζύμε όμος καλα κε υλ να έχομε πόλικοα τα
χριαζόμενα για τι ζίσνε-μυν, χριάσκουμεσ τρανα ζαβότια
κε φαπρικας για να εβγάλνε πόλικοα μαςίνας, φορεσίας
παπύτσια, ζάχαριν κίντιαν χριάσκουμεσ για τι ζίσνε-μυν.

Για τατο ι κιθέρνισι κε το κόμαν-εμυν έβαλαν σι μέσιν το πεντάχρονον τον πλάνον, να βάλομε ύλια τα δινατά-μυν κε σα πέντε χρόνια απες να χτίζομε τρανα ζαδότια, φάπρικας, ιλεχτρικα στάντσιας, σιδιροδρόμους, παπόρια, οσπίτια κε νοσοκομία για τεργάτς κε τι χορετς κι άλα πολα για να καλιτερέδυμε τι ζοίνεμυν.

Επιδι όμως, για τα τρανα τα ζαδότια χριάσκουνταν τρανα μασσίνας τα οπία емис κέχομε, ανανκάσκυμες να εφταμε ικονομίαν κε να γοραζοματα μίαν κε καλα ασα καπιταλιστικα κράτι κιαλο καμίαν να μι έχομε τιν ανάνκινατον.

Με άλα λόγια το μέρος-εμυν πυ έτον υς ατόρα αγροτικον θα εφτάματο βιομηχανικον για να επορύμε κεφτάμε σοσιαλιζμον. Τα ζαδότια όμως κε τα φάπρικας αμον το χτίουνταν, χριάσκουνταν πόλικον ματεριαλ για να δυλέβνε κι όπος εν οσίμερον ι κατάστασι σα χορία κι θα επορυν να εφτάνε πόλικον ματεριαλ.

Για τατο ι κιθέρνισι έκρινεν καλον να δι δίναμιν σα χορία, να βοιθα τι χορετς να διοργανόνιατς, για να επορυν κε δυλέβνε καλα το χόμαν κεβγάλνε πόλικον εσοδιάν.

ΜΑΡ. Εμис αετς πα καλα δυλέβομε, αφίστεμας.

ΠΡΟΕΔ. Ισιχα, Μαρία. Μι κόφτς το λόγονατ!

ΓΙΟΡ. Ντο πρεπ ατόρα να εφτάγνε ι χορετ για να επορύνε κε δυλέβνε καλα τα χόματα.

Πρότά πρότα, πρεπ να ενόνε τα χόματα των, (ακούντε μυρμουριτα) κε το μέρος ντο πιάνε τα φραχτία, εκίνο πα να δυλέφκετε. Ενομένα ατότε ύλ εντάμαν σιντροφιακα πρεπ να δυλέβομε το χόμαν. Ι κιθέρνισι

τον κάθε χορέτεν χοριστα πολλά κεπορι να βοιθα, όνταν
ιν όμος ενομεν σα κολχόζια, ατότε επορι κε διάτς τράχ-
τορ, μασσίνας, αγρονόμον κι άλλα βοίθιας για να επορου
κε δουλέβνε το χόμαν όπος πρέπ κε να εδγάλνε πόλι-
κον εσοδιάν.

Σοσιαλιζμος κεπορι να γίνετε όνταν θα ιν ι πολι-
τιανι προοδεμεν κ' ι χορετ να πομένε με το παμπάλεον
το κιτιςς.

Γιατατο λέγο, ας εφτάμε τιν αρχιν, ας διοργανό-
νομε εντάμαν κολχοζ κ' ι κιθέρνισι θα δί-μας οδιγίας
κ' ιποστίρικσιν. Ατο εθέλνα να έλεγασας..

ΠΡΟΕΔ. Χορετ εγο αμον τεγρικο αθύτο καλον
δουλίαν εν το λείμας ο Γιορίκας· έσσετε κανις να εροτάτε
τιδεν;

ΜΑΡ. Πός κέχομε; Εγο θέλο να μαθάνο πός εν
δινατον να ενόνομε τα χόματα; Υλ ι χορετ ίσα χόμα-
τα κέχνε! Αλος εςς ολίγα, άλος πολλα, άλος κσάι κεσσ.
Δίκον δουλίαν κιγίνετε τσάνυμ για μι νενκάσκυστυν τι κάκυ.

ΚΑΜΠΟΣΙ ΓΙΝΕΚ. Σοστα λεί ι Μαρία, σοστα.

ΠΡΟΕΔ. Υλ εντάμαν μι κυίζετε! Αλο πίος εςς
τιδεν να εροτα;

ΕΝΑΣ ΧΟΡΙΚΟΣ. Για πέτε-μας γάρτασσ, υλ εντά-
μαν θα ζόμε κέλα; Κάπιι ίπανε-μας, τεγια υλ σέναν
τρανον γιοργαν αφκα θα χίμες! (Αλι γελυν άλι μυρμουρίζουν).

ΔΟΔ. Ατο καλον εν!

ΠΡΟΕΔ. Ισιχα. Αλο πίος έςς να εροτα;

ΜΙΑ ΓΙΝΕΚΑ. Τα ζά-μυν πα θα πέρνε μι
σο κολχοζ;

ΠΡΟΕΔ. Άλος (αποτίνετε σέναν χορικόν που σί-
κοσε το χέρι-τυ). Εσι ντο θέλτε να λας; Πε!

ΣΑΒΑΣ. (χορικός φτοχος) Σο κολχοζ ίσος αλ να
δυλέβνε, καλα κιαλ πα να ίνε οκνιαντ κε κι θα δυλέβνε.
Ατότε πός θα γίνετε ι δουλία;

ΠΡΟΕΔ. Άλος... Άλο κανις κέσε τιδεν να εροτα;
(κιτάζι ολόγιρα, άλος κανις δεν αροτα ίστερα γιρίζι στον
Γιορίκα). Ατόρα θα δίσας απάντισιν ο σίντροφον ο Γιορίκας.

ΓΙΟΡ. (Κσανασικόνετε με σιμιοματάριο στο χέρι
όπου εγραψε τις ερότισες τον χορικόν). Σίντροφι! Ένας
ερότεσεν, άλος εσε περισον χόμαν, άλος ολίγον κι άλος
κσάι κέις, πος θα ενόνομε τα χόματα; Αίχον δουλίαν
κι γίνετε. Γίνετε πός κι γίνετε; Εσις μίαν ενόστε τα
χόματα-συν κίστερα ι κιβέρνισι θα δίσας κιάλο χόμαν.
Ι κυλακ πυ έχνε τα καλα τα χόματα συμα σο χορίον,
όλια θα πέριατα ι κιβέρνισι κε διάτα σα κολχόζια. (ακού-
οντε μυρμουριτα τον κυλάκον.) Κιατότε για τολτε εφτάνε
τα χόματα. Άλ ερότεσαν, τα ζάμυν πα θα φέρομε μι
σο κολχοζ. Τα ζα πια χριάσκυνταν για τι δουλίαν τι χο-
ραφι, άλογα βύδια κιακόμαν εργαλία, ύλια θα ίνε τι κολ-
χοζι. Έναν καλον χτίνον γιάχοτ, κάμποσα πρόδατα
επορι καθένας κε φιλατ για τον εαφτόνατ χοριστα, τα
περισα θα φερ σο κολχοζ. Ιστερα σο κολχοζ πυ εμπένε
υλ θα δυλέβνε καλα, διότι καθένας για το γενικόν το
κέρδος θα δουλεβ. Οσον περισον εσοδιάν εφτάμε ατόσον
καλιον θα εν για τεμας.

Κάπιος αν αροστεν κε κεπορι να δουλεβ, εκίνος
πρεπ να λαρότε κεπεκι. Το μερτικόν άμαν όπος ταλο-
γίον θα εν. Αν ίνε άμαν κάπιι πυ κι θα δυλέβνε τογρία,

εκιντς επορύμε κε θγάλοματς, γιάχοτ λογαριάζομε τα
όρας το κε δύλεπσαν κεπεκι κρατόματα ασο μερτικόνα-
των. Ατο τάλο πίπεσας, υλ σέναν γιοργαν αφκα θα
κίνταν κε τάλα τα κοροφόκσιλα, οτιν κςάι μι δίτε. Κα-
θένας θα κίτε σο σπίννατ όπος θελ.

ΜΑΡ. Ι κυλακ πα επορυν κεμπένε-μι σο κολχός;
ΓΙΟΡΙΚΑΣ. Γιοκ ι κυλακ σο κολχοζ τόπον
κέχνε.

(Ακούοντε μυρμουριτα τον κυλάκον).

ΠΡΟΕΔΡΟΣ. Ισιχα. Πίος εςς ατόρα να λεί τιδέν;

ΜΑΡΙΑ. Εγo (σικόνετε). Γυρπάνεσυν, άλο δυλίαν
κέσσετε κέρθετε να θάλετε το χορίον σένα σάλο; Ντο ιν
ατα τα κολχόζια κε τα μολχόζια; Αφίστε-μας ίσιχυσ
ας ζύμε ανθρωπινα άμον τεζίναν ο κίρ κ' ι μάναμυν
κιάμον τεζίναμε υς ατόρα.

ΚΟΜΣΟΜΟΛΙ. Κάθκα κα, κάθκα κα, πλάκοςον.

ΠΡΟΕΔ. Ισιχα πεδιά, αφσίστιατεν ας λεί κε πεκι
πέτε κε σις ντο θα λέτε (στι Μαρία). Πε, Μαρία.

ΜΑΡ. Νε, ντό θα έλεγα κενέςπαλα... Α, νέ!
Εμια ενάντια σιν κιθέρνισιν κίμες. Ασο κιφάλνεμυν κι
απαν τόπον έις. Αμαν μι θέλετε γυρπάνεσυν να χάνετε
τιν πίστιν-εμυν κε τιν τιμίνεμυν. Για τατο αν έρθες
Γιορίκα, άςσκεμα επίκες. Πυρνα ίνας πα εγo ίμε κε
μετεμεν πα πολι πυ θα λέγομεσας. Αχα γυρπάνεσυν
τα χόματα-μυν πα, κε το βιονεμυν πα, δόστε μας στρά-
ταν θα πάμε σιν Ελάδαν (στus χορικυς). Σοστα κι λέγο
χορετ; (πάι κε κάθετε).

ΛΟΔΙΚΑΣ ΚΕ ΜΕΡΙΚΙ ΓΙΝΕΚΕΣ. Σοστα λες,
σοστά' εμια κιθέλομε κολχοζ αφίστε-μας ίσιχυσ.

ΔΟΔΙΚΑΣ. (δινάτα). Κιι θέλομε κοοοολοοοοχόζ!

ΘΟΔΟΡΟΣ. (πετιέτε στις σκάλες το αναγνοστιρίο
κε νεβρικά με χιρονομίες). Κι θέλετε—πίος κι θέλετε;
Πι κιθέλνε ν'εμπένε, με το ζορ καναν κι θα δάλνε σο
κολχοζ. Πιθέλομε πολι ίμες (ι Θιμία κε ο Γοργορτς
σικόνοντε κιαλιλοκιτάζοντε ο Λεφτέρτς τραδά το μανικ
το Γοργορ).

ΓΟΡΓ. Νέπρε τεσον δυλίαν κεν, εσι κάθκα κα.

ΘΟΔΟΡ. (Χορις να δόσι προσοχι). Εμίς εκσέρομε
πίον εν το ζορ κάμποσα νοματίον. Φογύστιν να μι
χάνετε τα πολα τα χόματασουν κε τα φυντυκλύκιασουν.

ΓΟΡ. (φονάζι). Νέπρε, μιλάις λέγοσε ζον αέραν
καθκα κα.

ΘΟΔΟΡ. 'Αφςμε κε ζι πατέρα μορον κίμε γο θά-
ρις κι κσέρο ι κυλακ το έρθαν εφίσεσαν κε σεσα τοτία.

ΘΙΜΙΑ. Θόδορε επαλαλόδες!

ΘΟΔΟΡΟΣ. (δεν δίνι προσοχι κι εκσακολουθι). Χο-
ρέτ, τεμέτερον ι σοτιρία το κολχοζ εν. Μιαχύτε ντό λέγ-
νεσας ι κυλακ. Ύλ εντάμαν ενομεν, άδελφικα θα,δυλέδο-
με το χόμαν με τιν οδιγίαν τι κιθέρνιζις κε ταχρονομ.
Ατότε ι τεσετίνα ντο δι 50 πύτια θα δι 100 κε 120
πύτια. Τι παλεύσε-μυν αν θα τερύμε, εμς, πρεπ να
πάμε ρύζομε ζι θάλασαν κε φυρκίυμες.

Εναν παράδιγμαν ας λέγοσας ατόρα να εγρικάτε
πόζον ίμες κιμιζμεν κε ζιμιόνομε τον εαφτόνεμυν.

Χτίνον εφίλατεν ι μάναμ κερόστεζεν. Κιαντις να
εφερνεν γιατρον κετέρνενα, επίκενα τι καλομάνασιμ τα
γιατρικα κε σο μέρομαν κεκσέδεν επσόφεζεν! Τι ποπα
το χαρτοδέδαζμαν πιλιε κεκράτεζενα. (κάθετε).

ΓΟΡ· Σι γύλας κέρυκεν! (ι χορικοί μωμυρίζον)

ΣΑΒ. (χορικός μεσέος). Γίανε για δός-με το λόγον.

ΠΡΟ. ΓΙΑΝ. Πε πασσα Σαθέλι πε.

ΣΑΒ Χορετ το πρεπ να διοργανόμε κολχός
θαρο υλ εγρικσετια. Εμεν τι πασσαμ τι Γοργορ το
φυτσανίζμαν κεσάρεπσεμε κε θα λέγατον διο λόγια.
Γοργορ θαρο απεμεν πολλα χόμαν κείς. Κέπεκι εγο έχο
κε τάλογομ κε το χτίνομ. Αρ κσάι κι κρίφτατο αδύτο
ι δουλία εσάρεπσε-με θα εμπένο σο κολχός. Κανίτε τεδέ-
κα τα τόκυσ τον Λεφτέρ αγαν. Τι κυλακς κι πρεπ να
χύομε λέγο Γόργορ απατιντς χείρ κεν. Ατιν πάντα έλμε-
γανεμας κε αν αφίνοματς τιν πςσίνε-μυν πιλιτα θα πέρνε.

Αμον το ίπεν ο Γιορικας, πρεπ ναρχινόμε σι δουλίαν.

ΓΟΡΓ. Αρχινέστε, γόρπαν αρχινέστεν εμεν μο-
ναχον αφίστε-με ίσιχον.

ΠΡΟΕΔ. Ισιχα ατόρα θα λει ι διασκάλτσα.

ΔΑΣ· Σίντροφι χορετ! Εγο θαρο πος εμαζε-
φταμε, όχι να φονάζομε κε να κυίζομε αλα να φταμε
δουλίαν. «Μέ το ζορ ο σκίλον σο κινίγι κι παί» λεί ενας
λόγος. Ο σιντροφον ο Γιορίκας ιπεν τα καλα τι κολχόςι
κεγο νομίζο πος όλι εγρίκσετε ντο ιπε-σας: ενομεν οντας
ιμες ι δουλίανυν άλλο καλίον πάι εμπροστα κε τα δυσκο-
λίας πα άλλο καλίον επορύμε κε νικύματα. Θελισιν μα-
ναχα πρεπ να έχομε ύλια ίνταν. Εγο αμον ντελέπο
που θελνε το κολχός πολι ίνε, κε πι κιθελνε ας τερύνε
απο μακρα κε μι ταραζνε τι μεσεν.

Εγο ιμε βέβεος, πος με τα κάμποςον κερων ι ιδιι
θα παρακαλυνε να εμπενε σο κολχός.

Εγο ατόρα προτίνο, να εκλεγομε εναν επιτροπιν κε
αρχινα σι διοργάνοσιν. Οπιος θελ ατόρα οσίμερον, πυρνα,

παί ριν επιτροπιν κε γράφκετε κε πεκι ενόνομε τὰ χο-
ματα κιαρχινόμε ρι δουλίαν (καθιτε).

ΠΡΟΕΔ. Σοστα λει ι διασκάλτσα, χορετ ντο
λετε κε ρις.

ΧΟΡΙΚ. Σοστα ροστα ας χορίζομε τιν επιτροπιν.

ΠΡΟΕΔ. Πορα νοματ να ιν ριν επιτροπιν.

ΓΙΟΡΙΚ. Εγο προτίνο πεντε νομάτι να ιν εφτανε;
ντο λέτε;

ΧΟΡ. Ας ινε άς ινε πέντε.

ΠΡ. Ατόρα πέτε τίναν να χορίζομε;

ΧΟΡ. (Λένε ονόματα ένας κατόπιν τυ άλυ).

Γράψτε, τον Θιμιον τι Μάρθας, τον Γιορίκαν
τον Γιορίκαν, εςεν, εςεν πα Γιάνε, τιν διασκάλτσαν
τον Θόδορον, τον Θοδορον.

ΠΡΟ. Διασκάλτσα γράψον. Αλο;

ΧΟΡ. Τον Μίτον, τον Μίτον.

ΠΡΟ. Αλο τίναν. . . .

ΧΟΡ. Ατιν εφτάνε.

ΠΡΟ. Για δέδαςον διασκάλτσα, ας τερύμε πόρα
νομάτι ινε.

ΔΑΣ. Θίμιος, Γιορίκας Γιανις, Θόδορος, Μίτος
κ'εγο. Εκς νοματι.

ΓΙΟΡ. Σίντροφι άς ινε ύλπα ζατι πεντε ιν
κένας εγο εκς.

ΧΟΡ. Ας ινε, ας ινε.

ΜΑΡ. Νέ μετά, άς ινε κε δεκαπέντε θα εσοχ-
ρέδνατο.

ΠΡΟ. Ατόρα όπιος εν για ταίντε ας ρκον το
εξέρνατ. (ι περισσότερι πσιφίζουν εκτος απτιν Μαρίαν,

Θιμία τον Γοργόρ τον παπα κε τος κυλάκος Λεφτερ
κε Θοδος).

ΛΟΛ. (Σικόνοντας το χέρι-τυ). Εγooo πα
εγooo πα.

ΛΕΦ. (το χτιπά με το ραβδι απάνο στο χέρι
κε το κατεδάξι).

Κατέδαςον το κσερος χαιδαν ογλι χαιδαν!

ΠΡΟΕΔ. Πασσα Λεφτερ, τα σσέριας απάνις κρατ,
με το κῶκινον τι λαμπάδαν κε προσκάλεσανεσας. Κε
καλα θα φτας να γομόντς πόδας.

ΛΕΦΤ. (με θιμο φέγοντας). Θα ελέπομε, για εγο
θα γομόνο πόδας για εσις

ΚΟΜΣ. (γελόντας) Χα! χα! χα! Εσκάλοσαμε κε
σα φροδερίγματα. Ντος κοτς, ντος κοτς, αλίγορα!

ΠΡΟΕΔ. Ε! τεμιακ αμον τελέπο ι περισι θέλνε τιν
κομίσιαν. Ατόρα ι κομίσια ας απομεν κ'αλ ας πάγνε σι
δουλίανατυν. Εμις θα δίγομεσας χαπαρ κέρχυστυν γρά-
φκυστυν. (ι χορικι σικόνοντε).

ΓΙΟΡ. (σικόνετε) Σίντροφι, αμον τελέπο τι δουλίαν
απο καρδίας επίαςετιατο. Ας ενόμες, ας δουλέδομε, αγα-
πιμένα κι όμορφα κ'ι κιβέρνησι με τεμας εν. Ι κιβέρνησι
για τι διοργάνοσι τι κολχοζι θα δίμας διο χιλιάδες μη-
νάτια κέναν τράχτορ.

ΧΟΡ. Ζίτο ι Σοβετικι κιβέρνησι! ζίτο το κολχοζι!

ΤΡΙΤΗ ΠΡΑΞΗ

Στο σπίτι το Γοργό. Δομάτιο φτωχικό, πόρτα
στι μέσι σταριστερα παράθυρο στι μέσι κε στα δεξια
πόρτα στον πρότο πλάνο πυ φέρι στιν κάμαρα
το ίπνυ.

Κοντα στο παράθυρο ζέτι σκεπαζμένο με χράμι
μπροστά-το τραπέζι κι' ολόγυρα κείλινα σκαμνια.
Σταριστερο μέρος τις κεντρικis πόρτας παλιοςκε-
δοτόλαπο κε πάνω μια γραφίνα με ποτίρι. Σταρι-
στερο μέρος τις πόρτας κρέμοντε στον τίχο αδράχτι,
μαλι, κάτι εργόγυρα κε μια κυκύλα. Κάτο στο
πάτομα ζεντύκια κε χορικά σκέδι. Στιν κόνχι
μικρο ικονοστάσιο όπου ανάδι καντίλα. Δίπλα στι
δεξια πόρτα ζεντύκι πάνω στο οπίο ίνε στιθαζμένα
στρόματα.

ΣΚΙΝΙ 1.

ΕΛΕΝΙ. (σικόνετε απτο παράθυρο πυ καθόταν σιλο-
γιζμένοι, πλινιάζι κε κάθετε ζένα σκαμνι κοντα στο τρα-
πέζι κε τραγουδι λιπιρα).

1). Ταρνόπομ κάπος έργεπσεν πυδεν κιφανερύτε
κεκσερ Ελένι για τα τον σάψσιμον ρυζ σκοτύτε.

2) Μετεσεν γιάδρυμ σάψσιμον, σο πέλαγον λανχέδο
μάναν κε κιρ κι θα τερο υλτε πα θα πιδιαβένο. (μετα

το τραγύδι κσαναπαί στο παράθυρο κε κιτάξι κίστερα
κσαναρχίζει κε κάθιτε στο σκαμνι.)

Ακόμαν να μι φένετε κανις! ντάργος ετελίσεν
αθύτο ι σινεδρίαςιατυν-πα. Πιος εκσερ, ίσος να έλακσεν
κιδέας-πα. Ατόσον κερον σιν πολιτίαν (ακούετε κυθέντα το
Γοργορ κε τι Θιμίας, τρέχι ι Ελένι προς τιν πορτα).

ΣΚΙΝΙ 2.

ΓΟΡΓ. (απόκσο) Καλα έλεγαν' οπσε το θράβον ο
ποπας κι ο πασσαμ ο Λεφτερτς (μπένοντας στι σκην
με τι Θιμία). Ο κατακέφαλον ακυς εκι.

Εγο μορον κίμε έλεεν. Εστα ας έρτε ατόρα μίαν
κεγο εχρικο κε φτάγατον (κάθετε σο ζέτι).

ΘΙΜ. (κάθετε στο σκαμνι) Μέτα εγο πα κεκσέρο
ντο ενόντσην κε εσκόθεν ίπεν αγίκα λόγια.

ΓΟΡΓ. Εκίνος απ' εμπροστα φένετε έχτισεν τα
κυτία με τον Γιορίκαν κέ τάλα τα τσαχπύνια.

ΕΛΕΝΙ. Πατέρα ο Γιορίκας κι θα έρτε σο φαίν.
Εσι ίπες «θα φέρατον το μεσιμερ σο σπιτ».

ΓΟΡΓ. Γυρπαν εφτάγατον ατόρα σο φαίν-πα κε
σο σπιτιμ το κατοθιρ.

ΘΙΜ. Εκίνος αετς αμον τεγέντον ρίζαμ, ανάσπα-
λονατον, έβγαλτον ασο νυς.

ΕΛΕΝΙ. (σαν κεραθνοπλικτι) Γιατι μιτέρα ντέπικαν;

ΓΟΡΓ. Γυρζυλαν απέσις επίκεν, αλο ντο θα σπίνεν
(θιμομένα). Ερθεν εσένκεν το χορίον σέναν σάλο. Κε
αποτενι σατι γυρπαν εφτάγατον σο νίςσις τσαχόνο το
ποδάρνατ αν πατι αδακες. Εκίνος αλο για τσεσεν κεν.
Ας πάι περ ίναν κομσομόλκαν κε τρόγνε αποπάνατυν
βέζελεμ. Τι σκιλ ιτι παλαλυσ! τα χόματα θα ενόνε,

κολχόζια θα εφτάγνε! Γιοκ τρανα κόπρια θα τρόγνε με
σιχόρισι! αναθεμασε διάβολε αφοριζμένε! χα θαρχινο
κιθρίζο κσαν (κάνι τσιγάρο).

ΘΙΜ. Γιοκ τεμέτερον, τεμέτερον ο κατακέφαλον,
αίκον πάνκαλον να επίκεμας. Τον θάνατον ενύνιζα κι
αίκον δουλίαν ας εκίνον κέμεθα. (ι Ελένι με κατεδαζμένα
τα μύτρα μπένι στι κάμαρι κε κλεί)

ΓΟΡΓ. Αφσατον ας έρτε, ας έρτε μίαν κι ατότε
δίχνατον εγο τα πόσα οβγα εφτάγνε έναν φύστορον.
Αν κεφτάγατον κε δοκσαζ να μι λέγνε-με Γοργορ...
Για ρυκ, ρυκ φέρεν ας τρόγομε, επίνασα. Κετιμαγ κέλα
ας πάμε εγδέρομε κι ακίνο το χτίνον. Εκίνο-πα ατόρα
θα επσοφένεν. Ιναν άνθρωπον όντας πέριατον ι καταδρομι,
ας ύλια τα μερόθες αρχινα.

ΘΙΜ. Ελένι! Ελένι! έλα φέρον το φαιν αλίγα
ας τρόγομε. Εχομε δουλίαν (ι Ελένι θγένι απτιν κά-
μαραν με κλεμένα μάτια κε μυστρομένα στρόνι το
τραπέζι).

ΓΟΡΓ. Ελέψατεν, ατέπα εκρέμασεν τα ρσίλιατς.
Κε ράρεψανατεν τα λόγιαμ (ι Ελένι φέρι το φαι).

ΘΙΜ. Κιατο το καιμένον, το ροστον θελτς κεσσ
καπαετ. Το κάχυ ετςάικσεσατεν. Άλος, άλος τεμέτερον
εβλοιμένον εχάλασεν τι μέσεν (στιν Ελένι). Κορίτς εσι
κατι κάθεσε κε τρος;

ΕΛΕΝΙ. Κέχο όρεκσιν. Ιστερα θα τρόγο (θγένι
όκσο).

ΘΙΜ. Για πέμε γυρπάντς, απόθεν έμαθες ο Γιο-
ρίκας το έντον κομμουνιστις;

ΓΟΡΓ. (τρόγοντας) Εκίνος αμον το ιπανεμε, απαδα
οντος επίεν ατότε εγράφτεν. Κεπεκι ατόσον κερον τςέκσερ

ντέπικεν εκες. Ατασον έμαθα—πιλέγνα πολι ίνε—ατόρα κομουνιστις εγέντον. Κεπεκι ασο κιτίσνατ-πα κεγρίκσεα;

ΘΙΜ. Αρ κεκζέρο γυρπαντς, ο κόζμος ελάεν. Αίχον προκομένον πεδιν εχάθεν κε πίεν (τρόι).

ΓΟΡΓ. Ντο προκομένον, κάθεσε κε πςάλτς ατυκες. Τεκινυ ι προκοπι-πα πίοιόν έτον; Ζατι εγο ατότε ίπατς για τιν Ελένιν κεν ατος. Αμαν εσι-πα κέκσεσμε. Σσίλια καλα ίπες ατότε για τεκίνον.

ΘΙΜ. Κια ντο να φτας κάποτε λαθεδ άνθροπον. Αρας εν ατόρα πχ περ τα παπύτσια σο εσερ κε πάι. Εγο άλλο θα έλεγασε... Νε... Ο πασσαμ ο Λεφτερτς όπος ίπεν οπσε το δράδον, με το ζορ τέγια θα θάλνε υλτς σο κολχοζ, κε θα κίνταν υλ ζέναν τρανον γιοργαν αφκα. Πςέμαν εκσέδεν, ίδες;

ΓΟΡ. Ταχυλτς πος εν κοντον! Σιν αρχιν έλπετ αετς θα λέγνε. Ιντσαν θελ, με το ζορ κεν, θα δίγομε-σας, θα βοιθύμεσας, ός να θάλνε το μιλετ σο χορον. Κεπεκι θα φτάτε ιντιαν θέλομε ειμς. Ας ν θα ελέπομε ποσα νοματι θα πάγνε σο κολχοζ. Κε θαρις κα θα εφτάγνε! Θα πέρνε το χαδέςνατυν ολιγον κεπεκι θα γριμαλόνε άμον τα σκιλία κε θαφίνε κε φεδνε.

ΘΙΜΙΑ. Νε, άμαν έκσες ντο ίπεν σο τέλος ο Γιορίκας. Ι κιθέρνικι θα διάτς έναν τράχτορ κε δίο σο λιάδες μανάτια.

ΓΙΟΡΓ. Μέτα νε, τάκσον τον παλαλον ας εσέρστε. Ατα ύλια έφκερα ιν, απες κεχνε. Θα ζόμε κελέπομε ντο θα φτάγνε. (Κάνι το σταδρότυ κε σικόνετε)

ΘΙΜ. (Σικόνετε). Ελένι, ελάλίγορα σκόσον το τραπεζ.

ΓΟΡΓ. (Βγάλι το τσακέτο-του διορθώνι τα μανί-
κια-του, πέρνι κατάλιλο μαχέρι κειτιμάζετε να φίγι).
Αρχάιτε, χάιτε κρατ ας εγδέρο ακίνο το χτίνον. (Γορ-
γορτς κε Θιμιά θγένουν).

ΘΙΜ. (Ζόνετε εμπροστέλα). Ας πάμε.

ΣΚΙΝΙ 3.

(Μπένι ι Ελένι λιπιμένι μαζέδι τα πιάτα τα σικόνι
κίστερα κάθετε κοντα στο τραπέζι κε σιγοκλεί ανασίροντας).

ΣΚΙΝΙ 4.

ΜΑΡ. (Μπένι σιγα σιγα κιτάζι ολόγιρα κίστερα
αποτίνετε στην Ελένι). Ελένι, πύεν ο πατέρας;

ΕΛΕΝ. (Κσιπάζετε κε σικόνετε). Αχ! (σκυπίζι
τα δάκριατς). Αφκα σο μαντριν ινε εκίνος κι μάναμ.
Το χτίνον εγδέρνε.

ΜΑΡ. Κεσι ντε παθες κε κλες; Χαίρολα!

ΕΛΕΝ. (Διορθόνοντας τα μαλίατις κε χορις να
τιν κιτάζι). Τιδεν πα... αέτς... για το χτίνονεμουν...
ντεπσόφεσεν.

ΜΑΡ. (Πονιρα). Γιόκ ρίζαμ, ατα τα δάκριας για
το χτίνον κίνε. Αλο αλο ζορόπον φένετε θς είς. (Απότομα).
Κόριτς για τον Γιορίκαν να μι κλες; Τερ τιν παλάλαν!
Θαρις κεγρίκσατο. Κεκίνος πα ντόεν κε θα κλες κέλα.
Μίσε παλάλα, ρίζαμ. Εκινος ατόρα αμον το εγέντονε
τō νίςσις κιακσιζ. Εθαρις ο παλεον ο Γιορίκας εν; Εκί-
νος παςσταν ελακσεν κατ αγνος εγέντον. Κίδεσατον ακόμα;

ΕΛΕΝ. (Κυνα το κεφάλι). Γιόκ.

ΜΑΡ. Αρ ελεπς, ρίζαμ, ντάγγον εν το τσαχαλουκ!
Εσι να ελέπςατον, σατι θα νεριάςκεσατον.

ΕΛΕ. Θία Μαρία... Κεκςέρο, ντο τει λες-με αίκα
λόγια!(κλεί κε μπένι στιν κάμαρα).

ΜΑΡ. Ε! καλα λέγνε, τιν κορ αν αφίντς για
ταυλτσιν θα περ για ζυρνατσιν. (Βγένι απτο μεσόπορτο).

ΣΚΙΝΙ 5.

(Μπένυν ο Θόδωρος κε ο Γιορίκας)

ΘΟΔ. Ατόσον κε κιθέλο αθύτεν τιν γινέκαν, κε
κςέρτς εσι. Σοστέσα μάισα. Συλια κες ταραζ, τυράδνατς.
Κσαν κα θα φισα σι κιρυμ τοτίακες.

ΓΙΟΡ. Νε, ι θία ι Μαρία πολα καταραμέντςα εν.

ΘΟΔ. Ελα, κάθκα ας τερύμε. Αδυτιν πα πύιν; Σοστα
επίνασα.

ΓΙΟΡ. Ι Ελένι πυ εν;

ΣΚΙΝΙ 6.

ΕΛΕΝ. (Βγένι απτιν καμαρα με δακριζμένα μά-
τια κε χαρύμενι πέρνι το χέρι τυ Γιορίκα)
Καλοσόρισες, Γιορίκα!

ΓΙΟΡ. Ο! Εφχαριστο, Ελένι! Ντο χαπάρια; καλα ιςε;

ΘΟΔ. Ντέπαθες, Ελένι; Εκλεες μι; (Ι Ελένι κλεί
κε πεφτι στιν ανκάλι τυ αδελφύ-τις).

ΓΙΟΡ. Ελένι γιατι κλες; Κι κςέρεσε ντο έρθα;

ΘΟΔ. (Τιν καθίζι στο καθιζμα). Κάθκα νέπςα,
ας τερύμε ντεπαθες κε κλες. Ντόεν γιαμ κατέπαθες;...
Καλάτςετςον, μίσε αμον μορον... Ανικςον το στόμας, πε
ας τερυμε, ντέπαθες ντέπαθες;

ΕΛΕΝ. (Με αναφιλιτα). Ο πατέραμ... εθίμοσεν...
κετσαίικσεμε... κίπεν... (κσανακλεί).

ΘΟΔ. Ντο ιπεν για πε ας τερούμε.

ΓΙΟΡ. Ελένι μι κλες. Πέμας, πέμας ας τερούμε
ντο ιπεσε!

ΕΛΕΝ. Ιπεν, να μι τυχον κε πατις σο σπίτνεμον
κες Γιορίκα. Το ίδιον κιμιτέραμ. «Εκίνος ατόρα αμον
τεγεντον ίπεν έθγαλτον αςονυς γιατεσεν κεν. Ντέπικες
Γιορίκα κιάλο κιθέλνε να ελέπνεσε;

ΘΟΔ. Α! Εγρικας ντο πράμαν εν Γιορίκα; Για τι
κολχοζι τι δουλίαν εν.

ΓΙΟΡ. Νε αετς ομιαζ. Εκσέρτς ντο πράμαν εν,
Ελένι; Οσίμερον επίκαμε σινεδρίασιν να διοργανόνομε
κολχοζ. Κιαμον ντο μιαζ ο πατέρας πολα ενάντιος εν.
Γιτατο άλο κι θέλνεμε.

ΕΛΕΝ. Κε ντο εν ατο το κολχοζ κε κσάι κε σαρε-
πσενατον!

ΘΟΔΟΡ. Ασεν, ολίγον ολίγον θα σαρέδιατον. Εσι
ατόρα συκ φέρεν ας τρόγομε.

ΓΙΟΡ. Κολχοζ εκσέρτς το εν Ελένι; Θα ενόνο-
με τα χόματα τι χορετίον κε θα δουλέδοματα ύλ εντάμαν
με τιν δοίθιαν τι κιθέρνιςις.

ΕΛ. (σικόνετε).Κιατο έμορφον πράμαν εν. Τεγια
ντο χολιάσκυνταν κιόλα!

ΘΟΔΟΡ. Μορε φένετε καπιος θα εδιάσσκεπσενατς,
για τατο κι θέλνε.

ΕΛ. Α! για τατο ι μάναμ έλσεν προς ο θίον ο
Λεφτέρτς ίπενατς, τεγια υλ σέναν γεργαν αφκα θα κίνταν.

ΘΟΔΟΡ. Ατόρα για δέβα φέρον ας τρώγομε. κι-
στερία λέγοματα (ι Ελένι φέρι κε στρόνι το τραπέζι).

ΓΙΟΡΙ. Ίδες! Εγὼ κίπασε ατος ο Λεφτερτς ταραζ
το χορίον.

ΘΟΔΟΡ. Χέλπετ εκίνος εν. Κε μετεκίνον ο πο-
πας κε δι τρι νομάτι κιαλ. Το βράδι σα σκάλας κεκα
εκαν έναν όραν εκεβεζελέεβαν. Εγὼ σατι κσάι κι θέλα-
τον κιάμον τέρθεν, εκκόθα επεκεκα: (ι Ελένι φέρ φαγι)
Ε! άλο ντο ιπαν Ελένι;

ΕΛ. Πολα ιπαν Θόδορε. Για τεσεν, για τεσεν
πα ιπαν. Αρ κεκσέρο. Ίστερα ιπαν κιάλα Γιορίκα. Εσι
κομουνιστις ισε ατόρα. Αικον τιδεν εν; (όλι τρόνε).

ΘΟΔΟΡ. (τρώγοντας) Κιασεν κομουνιστις, άλο κα-
λίον για τεσεν. Εγὼ πα απο σίμερον θα γράφκυμε κεσεν
πα θα πέρομε μετεμας. Εσι πα θα γράφκεσε σο κομσο-
μολ, θα δουλεψ θα μαθαντς. Κανίτε υς ατόρα τε κι-
μέθαμε αφκα σο κοτ.

ΕΛ. Κιατσάπα εκιν θαφίνεμε;

ΘΟΔΟΡ. Νε μέτα εκιντς αν θα τερούμε πρεπ
ποπαδιάς να γίνυμες.

ΓΙΟΡΙ. Εσι κσάι ανάνκιν μέις Ελένι, μετεμας
δεν κι παθαντς. Κεπεκι εκίντς πα θα λέγοματς, θα
δίκνοματς πίων εν το σοστον ι στράτα.

ΕΛ. Ντε κσέρο να επορίτε κε κλόθετε το νόνατυν.
Εκιν παςσταν άπειμον επέραν, τόνομας πιλια κιθέλνε
να δίγνε Γιορίκα.

ΓΙΟΡΙ. Ε! ατότες θα πας εσι μετεμας. Ζατι με
τα κάμποσα ιμέρας θα πάμε εγὼ κε σι σο σελσοβετ

εφτάμε ρεγιστράτσιαν κιάλο κανις δεν κεπορι να λείσε.
Θα ζύμε εντάμαν, θα εφτάμε τι χαραν. Εγρίκσε;

ΕΛ. Ντο λες, Γιορίκα αστεφάνοτι θα ζύμε;

ΘΟΔΟΡ. Νε μετά ατο επέμνεν! Στεφάνομαν!
Πρεπ ο ποπας πα να μυρμουρίζ. Τεμέτερον το Σοβετ
ας εν καλά. Ιπογράφετε εκεκα το θέλετε να ζίτε εντά-
μαν κετελίοσεν. Ατα τα παλεα τα σινίθια απιδέδατα.

ΕΛ. Γιόκ Θόδоре, ατο κι γίνετε! Το χορίον
ατότε θα περ φωτιάν κι άλο τανθρωπς πιλια θα εντρέ-
πυμε να φανερούμε.

ΓΙΟΡΙ. Κρίμαν σεσεν Ελένι! Εσι αγαπάςμε κεγο
αγαπόσε. Πίος επορι κε λεί-μας τιδεν; Ο κομουνιστις
καμίαν κεπορι να στεφανύτε. Εμης αγίκα πράματα κι
πιστέβομε.

ΘΟΔΟΡ. Τερ τιν παλάλαν ντο νυνιζ! τεγια θα
γράφοματεν κε σο κομσομολ! Εσι εμέν άκσον. Το κακος
μι θέλο γιοκσα; Εγο πα αέτς θα φτάγο μι φογάσε.

ΕΛ. Κε ντε κσερο. εγο πολα φογύμε.

ΓΙΟΡΙ. Κσάι μι φογάσε δεν πα κεν.

ΘΟΔΟΡ. (σικόνετε απτο τραπέζι πίνι νερο). Ακο-
μαν κέρθεν ο πατέραμ, Ελένι;

ΕΛ. Ερθεν με τιν μάναμ έν, αφκα σο μαντριν.
Το χτίνον εγδέρνε.

ΘΟΔΟΡ. Ελεπς Γιορίκα, τυ κάκυ εχάσαμε το
χτίνον ασα σσέριαμυν.

ΓΙΟΡΙ. Αίκον εν αμάθια. Ντο να φτας! Ας εν
ατόρα σο κολχοζ ολίγον ολίγον τιεριατέδομε κε χτίνια.
Ταν ας έχομε.

ΕΛ. Φα Γιόρικα! εσι κσάι κι τρος!

ΓΙΟΡΙ. Μι φογάσε, σο φαιν κεκα κςάι κεντρέπουμε.
Αλο πος θελτς να τρόγο;

ΘΟΔ. (κάθετε κε κάνι τσιγάρο). Εκςερτς ντο εντόκεν
σο νυμ Γιορίκα; τι Λεφτέρ το φοβέριζμαν. Τι σκιλ
τον παλαλον! Εθαρι ςι τςάρονος τον κερων εδρίετε να
κοφτ κε να ραφτ άμον ντο θελ.

ΓΙΟΡΙ. Κια τερι θα πέρνε τα χόματα κιαρχινα
σο φοβέριζμαν. Θαρι κάπιος θα φογάτιατον. (ςικόνετε
πίνι νερο). Ε! καλα έφαγα.

ΕΛ. Εςις ντάλιγορα χορτάζετε; τεγια έφαστε;
(ςικόνετε κε μαζέδι τα πιάτα κε θγένι)

ΘΟΔΟΡ. Γιορίκα, εκςερτς ντο λέγο ας κάθυμες
ολίγον κε πεκι αρχινύμε σο γράψιμον. Εγο θαρο ι
χορετ ι περισι οσίμερον θα γράφκυνταν.

ΓΙΟΡ. Νε ςοστα λες. Κι πρεπ να δίγομε κερων
τι κυλακς κεφτάγνε αγιτάτςιαν.

ΘΟΔΟΡ. Μέτα ι χορετ, ι περισι θέλνε το κολχοζ.
Δεν κεπορόνε να φτάγνε ι κυλάκνεμυν.

ΓΙΟΡ. Αετς μι λες, Θόδоре. Εκςιπνι αφοριζμεν
ιν κ' ι κυλακ. Κεκςερτς ντο πονιρι ίνε.

ΘΟΔΟΡ. Ντο έμαθετε ςα κύρςια, Γιόρικα;

ΓΙΟΡ. Μέτα κε ντο κέμαθαμε; Πολιτηγράματα,
λογαριαζμυς, ρυςικά, για τιν κολεχτιβιζάτςιαν κε άλα ιςστε.

ΘΟΔΟΡ. Εγο μονάχον επέμνα μετα δύο τςυπαδένια
ντέμαθα μικρος. Να επέγνα κεγο ατότε μετςεν ςα
κύρςια.

ΓΙΟΡ. Αςεν, μεψτάςα μεράκ. Μαθαντς απατόρα,
παςςκι εγέραςες; Ορεκςιν μονάχον ας εις.

ΓΟΡ. (εκςοθεν) Νέκυτςι, Ελένι! φερων αλίγορα
νερον ας νίφκουμε.

ΘΟΔΟΡ. Αχα! ετελίσεν. Ας αναμένοματον, ας
τερόμε ντο θα λεί. Φογόμε κι θα στρέφκετε κε θαρχι-
να να τσαίζ κε κυίζ.

ΓΙΟΡ. Με το καλον έπαρτον κεςι. Με το τσαίμαν
δυλίαν κι γίνετε. Κάθυμες, κε ίσιχα ίσιχα κσιγίζοματον
πος εν ι δυλία κιατότε εθαρο θα γανεό.

ΘΟΔ. Εσι κεκσερτς το ταπιάτνατ. Ινατς πολα εν.
Έναν λόγον ίπεν, καλον κακον ο κόσμος να χαλάετε
θα εφτάγιατο. Κεπεκι εκσέρτς πόσον ερεθίσκυμε κάποτε;
Πελέπιατον εθαρι, αθύτος τον κόσμον εξαπλάεπσεν
κυλάκος εγέντον. Κεμισ δύο τεσετίνας χομαν πιλια κέ-
χομε. Μεγαλία θελ να πυλι. Πάι τανυσεξέφκετε τον
Λεφτερ κε ταλτς τι κυλακς ύλεν μετεκινός ρυζ κε σκύ-
τε. Πασσταν επέραν ταχυλνατ. Κατ' άμον το λέςατον.
«Εσι κόψονατο! ταχύλις κι κορτ! ακόμαν τσαχαλτς ίσε!»
Ατόσον εφτάιμε κερεθίσκυμε κάποτε, γίνουμε ν' αφίνατς
κε πάγο ζέναν φάπρικαν δυλέδό.

ΓΙΟΡΙ. Κι πираζ, ατόρα θα τερόμε ντο θα λεί.
Εγο θαρο το κολονκιθ σεμον το κιφαλ θα σπαν πρότα.

ΣΚΙΝΙ 7.

(Μπένι ο Γοργορτς θιμομένος κιαμα βλέπι τον
Γιορίκα κε τον Θόδορο ρίχνι αγρια ματια κε πάι κάθε-
τε ζένα σεντύκι κε κάνι τσιγάρο)

ΘΟΔΟΡ. Πατέρα, ντέπαθες κέναν καλοςόρισες πι-
λια κιλες τον Γιορίκαν;

ΓΟΡΓΟΡ. (θιμομένα) Σεσον σι γύλαν κερύκσεν.
Εγο λέο, καλα έσσετε πρόσοπον κε φανερύστεν τανθρωπς.

Μετα κοντα ταχύλιασυν, χιλιάδες χρόνια άνθρωπ ντέ-
χτισαν το κιτισ, εις οπρε έναν κε οσίμερον δίο θέλε-
τε να κλόθετια απαν αφκα. Κολχόζια θα χτίζετε! τι
τσασιτλίδες τανθροπς έναν θα φτάτιατς! Αναθεμάσε
διάβολε αφοριζμένε τς, τς, τς! Εγὼ θαμάσκυμε το ποσ
εσχόθες κεςι απες ςι μέσιν εκεκα κίλακσες ςον αέραν.

Χορις να ροτάςμε, να τανυσζέφκεςμε, ςκύσε τι κι-
φαλις κε κεβεζελεεφς: «Πύ θέλομε το κολχοζ πολι ίμες»!
Κε πίοσ ισε νέπρε! κε πύ θα εμπέντς τι κιφαλις, κατι
λέςμε; Γιάκσα εθάρεςες, θα έλεγασε, αφεριμ! Αχα το
χομάνε-μυν χαίτε ας εμπένομε ςο κολχόζ! Ε! καιμένε
καιμένε, κάθκα ςον τόπος ισιχα κε τέρεν τι δουλίας πριν
να πιανμε το τερς το ταπιάτιμ. Αν κεν γορπαν εφτά-
γοσε ςο ςπίτ κε ςα χόματα. Εδέκανεσας πρόςοπον, θέ-
λετε κε ταστάρ!

ΓΙΟΡ. Εκζέρτς, εγὼ ντο λέγο, θίο Γοργόρ; Κι
πρέπ να θιμόνομε κε τσαίζομε κε κυίζομε. Ο Θόδορον
ατόρα μικρός κεν. Κάθε άνθρωπος ςι Σοβετικιν κιθέρνισιν
ασα 18 χρονον κιαπάν επορι κε κυμανταρίζ τον εαφτό-
νατ. Εμέν κακοφένετε με το χορίς να νυνίς καλά, εφ-
τας καποτε δουλίας κε ζεμιόντς τον ίδιον τον εαφτός
κε τιν κινονίαν. Εγὼ κεπορο να εγρικο ντο τεγί ι δι-
οργανοσι τι κολχοζι φενετεςε κακον πράμαν! Γιόκσα
εθαρς ι κιθέρνισι τι ζιμίαν τι χορετίον θελ; Εσί μι
τερς τι κυλακς το αντιστέκνε κε τσαίζνε κε κυίζνε. Εκιν
το καλον τι Σοβετικς κιθέρνισις κι θέλνε. Κι ςιφέρειατς
ι χορετ να ινε ενομεν κε δυναμόνε. Πάντα θέλνε να
ίνε εφτοχι κε υπό τεκινέτερον. Εγὼ λεο, ισιχα ας τανυ-
σζέφκυμες κε θαρό θα εγρικας πίογ εν το ςοστον. Νί

χταν ημέραν δουλέβατε σο χοραφ τρι τεσαρ ανθρωπ, κσι-
νετε ιδρόματα κε ντο εβγάλετε; Το πολα πολα πέρετε
το χρόνον πενίντα εκσίντα πύτια καπνον. Επέμναν
αγράματι ο Θόδορον πα κι Ελένι πα. Κεσις, με τα
παλεα τα σινίθια έρθετε κε με τα παλεα θα πάτε.

Ντέ κσεθεν απατο γιά πέμε;

ΓΙΟΡ. Δόκxασι ο θεος, ύς οσίμερον πιναζμεν κε-
πέμναμε καμίαν.

ΓΙΟΡ. Μέτα νε ζάνκι εγενέθαμε να νυνίζομε για
τι γύλανεμυν μονάχον; Άνικσον ολίγον τομάτιας, τέρεν
ολόερα! Για πέμε πίοx εδέκεxας τα χοματα; ι τσαρικι
κιθερνισι, γιόκxα ι κυλάκ; Αρ ι κιθέρνισι πεδόκεxε ατα
τα χοματα, για δουλίαν θέλ να φτάγιατα κε δίγνε
διπλάσιον κε τριπλάσιον εxοδίαν.

Ανθρωπ εμπροστα πάγνε, προοδέβνε. Σέναν τοπον
κι στέκνε Θαρο κενέςπαλεx ποx εδύλεβεx ζέναν χομάτ
πxομιν ci Λεφτερ το χοραφ ci τζάρονοx τον κερον. Αρ
αν κι θελτε να έρτε εκίνο ι περίσταci πρέπ να εμπέ-
νομε ύλ xα κολχόζια κε δουλέβομε κι αετx βοιθύμε τιν
κιθερνισινεμυν πα κε καλοζύμε κε μισ.

ΓΟΡ. Νέπρε, εσί άμον διάxκαλοx εκάτxεx κε διαx-
κέφxμαx. Νευζέλι εθαρίς ποx εγο κιxζέρο πίογ εν το
κιάριμ κι ζερίαμ κε κάθεxε κε ci θαμαθίx-με αχύλ κε
χάντε τυ κάκυ τα λόγιαx! Δέβα ρίζαμ, δέβα άλτεx εβρια
κε πίστε κολχοζ εμεν αφίxτεμε ιxιχον.

ΘΟΔΟΡ. Έγο αμον τελέπο πατέρα, εci οτυνυμ,
οτυνόμ λεx. Αέτε αν έν, ατότε θα πάγο σο κολχόζ
μονάχοx αx εκζέρτατο!

ΓΟΡ. (ερεθιζμένα) Σανάθεμαν δέβα απατόρα σατι
το πεδῖμ κίσε κε πατέρα άλο μι λεςμε! (συλατσαρίζι)
Το καπαετ τεσον κέν, το καπαετ τατουυ εν, πέρθεν
έβαλεν το χορίον σέναν σάλο!

ΘΟΔΟΡ. Νέ μετά! γιά τεσάς ίσος να εν καπαετ-
λις. Για τεμας όμος πολα καλα επίκεν κέρθεν νανί το
μάτιαμυν.

ΓΟΡ. (αγριεμένος) Εφτάν, νέπρε! Αρ εκανέθεσας
χα θα βλαστιμο κεςεν κιατον. Δεβάτε χαθέςτεν αλίγορα
με λέποσας σο μάτιαμ εμπροστα.

ΘΟΔΟΡ. Μάεσαλαχ! καλα επόρεςες κίπεσα κελα!
(σιχόνετε) Μι φογάσε, θα πάμε! Σατι κε να δέντς-με
πιλία, κι στέκο. Μεφκερα εσέρια κι θα παγο άμα ας
εκσερτσατο. Θα πέρο κε το μιράδιον ασο σπίτ κε σο
χοραφ κέπεκι θα πάγο.

ΓΟΡ. (αγριεμένος φονάζι). Πίον μιράδιον, νέπρε!
Γυρπαν εφτάγοσε σο σπίτ-πα κε σο χοραφ πα. Τερ εσι,
τερ εσι τον κατακέφαλον. Τεμιακ εσι με ταγίκα ιδέας
κλόςεκεσε ατυκές; Εκς αλίγορα έκς απαδαπες βρομός-
κιλον! Γυρπαν εφτάγοσε σο σπιτιμ το κατοθίρ ατόρα!

ΣΚΙΝΙ 8.

ΘΙΜΙΑ. (μπένοντας με τι Μαρία κε τιν Ελένι)
Ντέπαθετε κε τσαίζετε γυρπάνεςυν;

ΓΙΟΡ. Τιδεν πα τσάνουμ, αετς ολίγον εχοντρολά-
λεσαμε.

ΜΑΡ. Ντο θα εν κεγρίκσεσα; με τα κολχόζια-τυν
θα τρόγνε τόν κόζμον! Κατ ιπαν φένετε κσαν τον
πασσαμ τον Γοργορ κε πίκανατον κερεθίστεν.

ΘΟΔ. (θιμομένα) απεσεν κερότεσανα! με το κόκινον
το κεριν κελάλεσαν κεσεν. Δυλίαν κείς, άρε δεθα
σι δυλίας.

ΓΟΡ. (ορμα πάνω στο Θόδορο). Νέπρε αρ εκανέθε-
σε. Ατόρα κρύο κε γομόνο ταπέσις πυλία.

(Ι Θιμία μπένι στι μέσι κε δεν τον αφίνι)

ΘΙΜ. Μι, Γόργορ χασονατον, ισίχασον. (Τον
καθισιχάζι.)

ΘΟΔ. Ντο εν, ντέπαθες; Εσι το πεδισ χατεφς
κεγο ασκεμα εφτάγο να χατέδο τι κυλακς πεπέραν
ταχύλις; (Ι Ελένι τον πλσιιάζι κε τον καθισιχάζι).

ΜΑΡ. Εμς κανενος αχυλ κιπέρομε. Ο καθένας
εγρικα πόν εν το ροστον.

ΘΟΔ. Χα θα θλαστιμο τεσέτερον το ροστον ατορα;

ΓΟΡ. Ακυσ! ακυς το λεί! Το μερτικόνατ, θελ!
Κε πόν εν τεσον το μερτικον, νέπρε;

Ματεμεν μι εδύλεπρες κέχτρες το σπιτ κένικρες
το χοραφ; ακόμαν οπσεζνον χάταλον...

ΘΟΔ. (Τον διακόφτι). Ντο χάταλον λες-με! Εγέν-
τον ροδεκα χρόνια αδαπες μετεσεν δυλεβο, να μι δυλεβο
με τι κxenτς; ενεσπάλθαν γιόκσα γιοκ.

ΓΙΟΡ. Χάσωνα Θοδορε, ισίχασον.

ΘΟΔ. Κιατορα ντο θέλτς ατα κιατα. Εγo πα θα πάγο σο κολχοζ κε Ελενι πα, βέσελεμ!

ΓΟΡ. (αρπάζει τιν Ελένιν απ' το χέρι κε τιν τραβα στο μέρος τυ.) Γορπαν εφτάγοςας σιν Ελένιν πα κε σύλια πα. Εκς απαδαπες, εκς!

Σκύμε βλαστιμο ατόρα κεςεν κε το κολχόζις.

ΕΛΕΝΙ. (πεφτι στα πόδια τυ πατέρα τις κε κλεί παρακαλοντας)

Πατέρα, ας πάμε, ας παμε υλ εντάμαν σο κολχοζ!

ΓΟΡ. (τιν κλοτσίζει). Αχα κεςι κε το κολχόζις!

ΓΙΟΡ. (τοναρπάζει απ' το χερι κε τον πεταστιν πάντα κε σικόνι τιν Ελένι). Κεντρέπεσε; Τι δίναμίσ θα σιναεφς; Αγριάνθρωπι κίμες χοςς!

(Πιγενοντας τιν Ελένιν προς τιν πόρτα)χαίτε Θόδоре, χάιτε πάμε! Ιστερια τερούμε τι χοριζματι!

ΘΟΔ. (ακολουθοντας τον Γιορίκαν.) Πάμε, (απ τιν πόρτα.) Θα χτίζομε το κολχοζ, κιαλι τι μάνανατ πι κοφτ τι στράτανεμυν (φέβγυν.)

ΘΙΜΙΑ. Θόδоре! Ελένι! πόλιμ... μι πάτε! (πέφτι λιπόθυμι, τιν πιάνι ι Μαρία. Ο Γοργόρτς μνίσκι σαν κεραβνόπλιχτος κιτάζοντας τιν πόρτα).

ΤΕΤΑΡΤΙ ΠΡΑΚΣΙ

ΠΡΟΤΙ ΙΚΟΝΑ

Μετα ένα χρόνο στο προάβλιο τις εκκλησίας. Στο βάθος εκκλησία με απσιλο καμπαναριο. Δεξια κε αριστερα απσιλο ντυθάρι τις αβλις. Στον πρότο πλάνο στα δεξια πόρτα τις αβλις. Στο μπροστινο μέρος τις εκκλησίας πόρτα με τρις πέτρινες σχαλί-τρες. Πιο μπροστα διο κιπαρίσια κι αναμεσά-τους μακρι κζίλινο σχαμνι. Στα αριστερα τάφος κάπιου παπα με σταθρο κε κόνκελα. Μέσα στον τάφο πρασινάδες λυλύδια κε ετιν άκρι μικρο κιπαρίσι. Κιριακι μετα τιν απόλις τις εκκλησίας. Στο άνιγμα τις σκινις φένετε ο Δολίκας στο καμπαναρίο πυ χτιπα τα κοδόνια κε ίστερα καταβένι τις σκάλες.

ΣΚΙΝΙ 1.

ΜΑΡ. (Βγένι απτιν εκκλησία κανι το σταθρό-τις φιλι τιν πόρτα ίστερα λεί στον Δολίκα πυ πλσιιάζι).
κάκυ κρυς τα κοδόνια Δολίκα. Ι εκκλησία έφκερον εν.
ΔΟΔ. Νε κααανις κέρχυταν αααλο ειν εκκλησιάν.

ΜΑΡ. Σοστα λες. Επέμναμε ι δι κοντι κι ο
Θόδορον. (Δολίκας φέβγι).

ΣΚΙΝΙ 2.

ΛΕΦ. Βγένι απτιν εκλίσϊαν κάνι το σταβρό-τυ κε
φορι το παπάκι-τυ, κατόπι-τυ θγένι κι ο Πάβλος κυλάκος
κε κάνι το ίδιο). Να βοιθα Μαρία.

ΜΑΡ. Να βοιθα κέσεν πασσα Λεφτερ.

ΛΕΦ. Χατέστεν ολίγον ας κάθυμες κι αναμένομε
τον πάτερ κε τον πασσα τον Θοδοίς (πάνε κε κάθιντε
στο σκαμνι).

ΜΑΡ. Εσι ντέφτατε πασσα Πάβλε; καλα εν ι
πατσιμ ι Πελαία;

ΠΑΒ. Μέτα ντο να φτάμε; Ας λέγομε καλα ο
θεον να φέρια σο καλον. Αποτενι τεμέτερον το καλον
πα πίων εν; Εσι ντέφτας;

ΜΑΡ. Καλα ντο να φτάγο; Κοτσα στραβα ουλέ-
βομε κε πάμε.

ΛΕΦ. Μαρία, εσι καλέσα ίσε. Εμας πασσαν εφτόλ-
τσανεμας τι σσιλ τα πεδία. Τα χοματαμυν υλια επέ-
ραν κεδόκανεμας κατ λορία κσερα καρκατσόνια, τσε! ει
διαβολι τι μάναν κες, σιν άκραν τι χορι. Αρ δούλεπσον
ας τερόσε.

ΜΑΡ. Χαίρ να μί ελέπνε εκιν κε τα κολχόζιατυν.
Ισσανλαχ ο θεος να ποδεδίζατόνε κεί κε χανιατς (κάνι
το σταβρότις)

ΣΚΙΝΙ 3.

ΠΑΠ. (βγέροντας απτιν εκκλησίαν μαζί με τον
Θοδος τον επίτροπον πλυσιάζι κε κάθετε ανάμεσα στην
παρέα. Το ίδιοι κανι κι ο Θοδος ίστερα αφυ κλίσι τιν
εκκλησία). Καλιμέρα. Ε! πασσα Λεφτερ, ελεπς πυ εκατίν-
τισαμε! Εκκλησία πασσαν έφκερον επέμνεν, άλλο κανις
κέρχυνταν. Εγώ κέλεγασας τα κολχόζια ενάντια σι θρι-
σχίαν ίνε. Ιδετε άλλο κανις κι πατόνε σιν εκκλησίαν. Νια
βάφτιζμαν, νια μεταλαμαν, τιδεν τιδεν άλλο κεφτάγνε,
ι χορετ τι κολχοζι.

ΘΟΔ. Νε, πάτερ εοστα λες, πασσαν αντίχριστι
εγένταν αφορίζμεν.

ΠΑΒ. Ας έν το πολλα επίεν κε τολίγον επέμνεν.
Αετς κι θάπομεν κα θα ίνετε.

ΘΟΔ. Μετα σατι κατ πρεπ να φτάμε κεμις. Κι
πρεπ να σταβρόνομε τα σσεριαμυν κε τερύμε σειρ. Ντόλες
εσι πασσα Λεφτερ;

ΛΕΦ. (στιν Μαρία) Μαρία για δέβα κλίδοσον
ακίνο τεκσόπορτον. Κε τέρεν κελα να μι φένετε κανις
ατυκες. Μαρία εχτελι κιστερα γιρίζι). Κανις κεν Μαρία;

ΜΑΡ. (γιρίζοντας). Γιοκ κανις κεν αδακες πασσα
Λεφτερ.

ΛΕΦ. Αρ ακόστεν ατόρα. Οσίμερον ίσα ίσα ένας χρό-
νος εγέντον, ας εδιοργάνοσαν το κολχοζ. Αμον τέμαθα
το βράδι οσίμερον εκιν εορτιν εχνε. Θα εορτάζνε τα χρο-
νία τι κολχοζιάτον κιασο μεσιμερ κίστερνα θα φορτονε
τα καπνάτων κε θα κατιβάζνατα σιν πολιτίαν.

ΜΑΡΙΑ. Γιοκ, πασσα, εγο έμαθα, πυρνα θα πέρνατα κε πάγνε.

ΛΕΦΤΕΡΤΣ. Αλο καλιον. Ατόρα ακσεστεν. Εμεις τι γιν πιγιν πρεπ να φτάμε κε να δίγομε οσίμερον φωτίαν το σκλάτνα-τυν πριν να προφτάνε κε πέρνατα κε πάγνε.

ΠΑΠΑΣ. Σοστα. Ατόρα ακσέστέν εγο πα ντό εδέβασα σεφιμερίδαςατυν. Τι κυλακς λέγνε πρεπ να χάνοματς πασσαν, σιυρκιυν να φτάματς ασα χορία. Να στίλοματς σι Σιδιρίαν.

ΘΟΔΟΙΣ. Αετς αν εν πασσα Λεφτερ, εμεις αλο κι πρεπ να στέκομε.

ΛΕΦΤΕΡΤΣ. Χάσον ντο γράφνε πάτερ τα χαρσόφιλα-τυν. Εμεις ατόρα πρεπ να τερούμε κε κριφα κριφα αμον τεβρίκομε αρμόδιον κερν να δίγομε φωτίαν το σκλάτνατυν.

ΠΑΒΛΟΣ. Κια πίος θα διά φωτίαν;

ΛΕΦΤΕΡΤΣ. Εγο λέο, κατ ας δίομε τεμέτερον τον Δολίχαν κε φτάμοτον κε διάτο άπσιμον.

ΠΑΠΑΣ. Σοστα κατ ας δίγοματον. Εγο θαρο αίκον ιδέαν, ο Θεον πα να ποδεδίζατον, θα εβλογίζιατο. Σο πανκαρ τεκλισίας παράδες εβρίγυνταν ακόμαν αετς κεν μι πασσα Θεδος; Ας δίγοματον 30—40 μανάτια κε στίλοματον. Ντό λετε κεις;

ΘΟΔΟΙΣ. Ντο θα λέγομε πάτερ; Ας δίγοματον κε πενίντα, ατυκα σοστα λες. Τεκλισίας τα παράδες αλο καλίον θα βοιδύνε κε χάνε ταντίχριστος.

ΠΑΒΛΟΣ. Εκίνος μοναχος κι θα επορι τσάνουμ. Εγώ λέγο πρεπ απεμας κάπιος να πάλι με τεκίνον κιαπο μακρα δικνιατον.

ΛΕΦΤΕΡΙΣ. Ατυκα σοστα λες. Κάπιος πρεπ να πάλι μετεκίνον..... (σιλογίζετε) κια πίος να πάλι;

ΘΟΔΟΙΣ. Εσεν άλλο καλίον ακόισε, κε πεκι ανεπσος πα εν καμίαν ασι θυλις κεθγεν. Ας πάγο φέροσε πενίντα μανάτια κε πίζον άμον τεκζέρτς (πάλι να φέρι χρίματα απτιν εκλίσίαν).

ΠΑΠΑΣ. Σοστα, σοστα πασσα Λεφτέρ, κσαν εσι καθαφτας. Αφοριζμεν αντίχριστι, άλλο κανις πος κε πάτεςεν σιν εκλίσίαν Κιαμ ο Γοργορτς πος εγαντυρέφτεν κεκίνος τιστερνα κεπίεν σο κολχοζ. Εκίνος, εκίνος ι αγία ι πσιχι, ο θεοσεβόμενον, εκίνος πα κέρθεν οσίμερον σιν εκλίσίαν.

ΜΑΡΙΑ. Μέτα ο γιόσατ κομουνιστις, ο γαμπρόσατ κομουνιστις, ι θεγατέρατ σο κομπσομολ άλπετ έλακσαν κε τεκινυ ταχύλια.

ΠΑΠΑΣ. Κιαστεφάνοτι ζύνε κι όλα, εκζέρετε;

ΜΑΡΙΑ. Πίος ι θεγατέρατ κι ο γαμπρόσατ;

ΠΑΠΑΣ. Νε, νε, πασσαν εςκίλεπσαν.

ΣΚΙΝΙ 4.

ΘΟΔΟΙΣ. (γυρίζοντας με τα χρίματα). Αχα πασσα Λεφτερ; πενίντα μανάτια. Αμαν ίστερα πρεπ να έρχουνταν σον τόπονατον, εκλίσίας παράδες ίνε.

ΠΑΒΛΟΣ. Μετά ι δουλία ας γίνετε, κεμς δι-
πλα κε τρίδιπλα θα δίγοματα. Ατόρα συκ, συκ πασσα
Λεφτερ μι περαν κι ο κερως.

ΛΕΦΤΕΡΤΣ. (σικόνετε) Ανάνκιν^η μέσσετε θα φτά-
γατς κε κλέγνε απαν σο πράζνικον-ατυν. Σαχτάρια πα-
λαλα θα φτάγο τα καπνά-τυν. Εκιν κίνε μι πυ κατε-
θασανεμας αδα σο χαλ.

ΠΑΠΑΣ. (σικόνετε). Εστα πασσα Λεφτερ, εστα
ας δίγοσε κεγο έναν εβλογίαν (τον εβλογίζει κε κάνι πά-
νο στον Λεφτέρι το σιμίο τυ σταβρυ μυρμυρίζοντας εφχες).
Ατόρα δέβα κε μι φογάσε ο Θεον μετεσεν εν.

ΛΕΦΤΕΡΤΣ. Ατόρα θα πάγο πάτερ; Ιμέρα με-
σιμερ θα καπνίζνε τα καπνάτυν; Να εκσέρνε με τιναν
έχνε δουλίαν (φέβγι).

ΑΒΛΕΑ

ΔΕΦΤΕΡΙ ΙΚΟΝΑ

Ι σκινι παριστάνι νεόχτιστον κτίριο-δίπατο, στο βάθος. Πετρινες σκάλες απ' τα δύο μέρη φέρουν στι μεγαλοπόρτα τυ δέφτερου πατόματος πυ έχι στα πλάγια απο δύο μεγάλα παράθιρα. Τσινκένιο στέγαζμα πανο στιν πορτα πυ σκεπάζι κε τον εκσόστι πύνε μπροστα στιν πόρτα. Σιδερένια κανκελα στις σκάλες κε στον εκσόστι. Πάνο στον εκσόστι τραπέζι σκεπαζμένο με κόκκινο τραπεζομάντιλο. Στα σιδερένια στιλάρια τυ εκσοστι κρεμασμένες κόκκινες σιμέες, στυς τίχους κάτω απτα παράθιρα μεγάλα πλακάτια πυ γράφι. «Με βιομηχανία στιν πόλι κε κολεχτιβικα νικοκiriα στο χοριο θα φτιάσουμε σοσιαλιζμο».

Μπροστα στα κανκελα ταπέλα πυ γράφι. «Κολεχτιβικο νικοκiriο Νίχι». Κατο απ' το παλκόνι υπόστεγο πυ φέρι στιν πόρτα τις αποθήκεις. Μπροστα στιν πόρτα αγροτικα εργαλία. Στα δεξια μια σιρα νεοφιτεμένα δέντρα κε μπροστά-τους μεγάλα κσίλινα καθίζματα. Στο προσκίνιο στα δεξια μεγάλο δέντρο με παχι κορμο. Σταριστερα μεγάλι αποθήκι καπνυ, μπροστα στιν αποθήκι δρόμος πυ φέρι στα χοράφια. Μπροστα στιν πόρτα τις αποθήκεις λιγάκι προς το προσκίνιο τράχτορ.

Στο άνιγμα τις σκινις φένοντε πολι χορικι κολχόζνικι κομσομόλι κε χορίατισες πυ άλι κάθιντε

άλι στολίζουν με γιρλάντες τα κάνκελα υς τιν πόρτα
τις αποθήκεις κάμποσι τραγοδυν. Ο Θόδωρος πο
έγινε τραχτορίστος στολίζει κεκίνοσ το τράχτορ
δίπλα τυ ο πατέρας-τυ. Στο τραπέζι πόνε πάνο
στο παλκόν φένοντε ολόγισρα καθιζμένι ο Γιορίκας,
ιδασκάλα ο Γιανες, ο αγρονόμος, κι ένας αντιπρό-
σπος τις κιβέρνιςις σπτιν πολιτία.

Ολι ι χορικι καθιντε ολόγισρα μέσα στιν αβλι άλι
στις σκάλες κιάλι στέκοντε.

Ινε μαζί-τυς κε κάμποσι χορικι πο δεν μπίκαν
ακόμα στο κολχοζ.

ΣΚΙΝΙ 1.

ΓΙΑΝ. Σιντροφι, κολχόζνικι! Οπέρτς οσιμερνον
ιμέραν εδιοργάνοσαμε το κολχόζνεμυν για τατο το σιμερ-
νον ιμέρα γιατεμας εν άμον τρανον πανοιρ κε με τιν
άδιανεςυν τιν πανιγirikin σινεδρίασινεμυν λογαρίαζ-ατο
ανιχτον! (ολι σικόνοντε κε τραγουδυν).

Χορετ! χορετ αγυρ γινεχ!
υλ σο κολχοζ εμπάτε
θαλάζομε τιν ζις εμις
κε το παλεον το κιτισς.
κανις κι θα θιμάτε.
σο κολχοζ! σο κολχοζ!
υλ εμπάτε σο κολχοζ!
Μακρα ταλετρ κε το γινιν
άλο κι γιαραέβνε
ας εν καλα ι μιχανι
τα τραχτορια με το πενζιν
τιν γιν το θα χταλέβνε
σο κολχοζ! σο κολχοζ!
υλ εμπάτε σο κολχοζ!

ΓΙΑΝ. (μετα το τραγούδι). Τον χερετιστίριον λόγον
εσς ο αντιπρόσωπον τι πάρτιασεμυν ασιν πολιτίαν
ο ς. ο Κιριάκον. (Χιροκροτίματα).

ΚΙΡ. Σίντροφι, κολχόζνικι! χερετόσας ασόνομαν
τι κιβέρνιςις κε τις κομουνιστικίς πάρτιας (χιροκροτί-
ματα) Ι κιβέρνιςις κε το κόμαν με τρανον ενδιαφέρον
παρακολουθύνε τα πολα τεπιτιχίας το εσσετε ςο κολχόζ-
νεςυν. Ταμέτριτα ταμιάκιασυν, ταγαπεμένον ι ζοιεςυν,
οσίμερον δίκνε προς ίστεν ικανι να χτίζετε νέον ζοιν,
νέον ςοσιαλιστικον όπςσεσθον. Τρανον εντίποσιν επίκεμας
πος ζέναν χρόνον απες απέδικετε κε τάλα τα χορία
πος ενομεν οντας ιν ι χορετ εφταγνε θάματα. Τα
καπνα το θα κατιθάζετε σιν πολιτίαν θα τσυπόνε τα
στόματα ταπαρτυνιστίον πι κι πιστεθνε τι δίναμιν το
έχνε τα κολχόζια.

Ι εργατ τι πολιτίας θα θάλνε τα δινατά-τυν να εφοδιά-
ζνε-σας ασύλια τα χριαζόμενα κε πάντα θα ιποστιρίζνε-σας
μόλεν τι δίναμινατυν.

Ταχσυκλύκια το έσσετε ύλια θα σιμπλιρόνατα
(χιροκροτίματα). Πρεπ να εκσέρετε προς ι τυςσμάνεμυν
πολι ίνε. Ι κυλακ ςα πολα χορία κιστέκνε ισιχα. προς-
παθουν να διαθάλνε τι χορέτς, εφταγνατς προπαγανδαν
να μι εμπένε ςα κολχόζια κε με πολα τρόπυς εφτάνε
ζεμίαν σιν κιβέρνιςιν κε ςα κολχόζια. Βάλτε λιπον τα
δινατά-συν κιολτς τι χορετς θαλτε ςο κολχοζ. Τι κολ-
χοζίεςυν τονομαν όπος εν «Νίχι» θα νικα ύλια τα
δισκολίας.

ΠΕΛ. (μεσόκερι χορίατισα) Παςσα Γιανε εγό-πα
θα λέγο δίο λόγια.

ΓΙΑ. Πε Πελαγία πε!

ΠΕΛ. (βγένη στις σκάλες κε λεί) Σιν. κολχόζνικι ασι
χαραμ κεκζέρο ντο θα λέγο κέλα... Νε!

Μέτα αρ ίδαμε κεμς φος κι μέραν. Εταράγαμε
κεμς με τανθροπς! Πολιχρονεμεν να ιν πένικσαν το
μάτια-μυν. Ύς τεμεν κεκά-πα εγο πα ατόρα εγρικο πιος
ιν ι φίλε-μυν κε τυςζμάνε-μυν... Τζάνυμ... πος να λέγα...
Ασα χτίνιά διαφοραν κίχαμε εμπροστα. Αμαν ατόρα,
ατόρα επορούμε κε χτίζομε κέλα κε χαλάνομε κέλα. Αρ
το παλεον θα χαλάνομε κε θα χτίζομε νέον ζοιν. Τι το
ςζμαντς εμς κι θα γιαναςτυρέδομε σο κολχοζ-κες (χιρο-
κροτίματα).

ΚΟΛΧ. Πράβο! Πελαγία! πράβο!

ΑΓΡ. Επιτρέψτεμε σίντροφι κολχόζνικι νά χερε-
τσας ασόνομαν ταγρονομίον τεμέτερον τι ραγιονι. Τεσέ-
τερον το κολχοζ ι «Νίκι» πρεπ να ιπαριφανέφκετε διότι
εν το πρότον παράδιγμαν για το ραγιόνεμυν. Ιδαν εσας
σα τελεφτέα κε τάλα τα χορία κεσκάλοσαν κε κίνα
σι διοργάνοσιν. Απατόρα ι ουλίασυν εν πολα τρανον.
Ύλια τα μικρα τα χαζιάιστθα πρεπ να βοιθάτε να ενό-
νοματα κε φτάματα τρανα κολχόζια. Ατότε τα χορία
θα ίνταν το κάστρον τυ πεντάχρονου πλάνυ-μας. Ι Σο-
βετικι αγρονομ δίγνε-σας τον λόγον-ατυν προς ύλια τα
γνόσιςα-τυν κι ενέργια-τυν θα ιν τι κολχοζίον (χιρο-
κροτίματα).

ΓΟΡΓ. Γιάνε δός-μα τιν άδιαν εγο πα κα θα
λέγο.

ΓΙΑΝ. Πε παςσα Γοργορ πε.

ΓΟΡΓ. (βγένη στις σκάλες κε μιλα) Σίντροφι κολ-
χόζνικι! Ταγιτάτσιας τι κυλακίον επίκανε-με κε με τον

κερον κε ζέδα το κολχοζ. Αμαν όσον τε 'πίγα κε ιδα
τι δουλίαν-εσυν κε τι ζίννε-συν, άλο κεπόρεσα να στεκο.
Εσκοσα κέσιρα το παλεον τιν ιδέαν το ίχα για το
κολχοζ κε το ταπιάτιμ κε πέρα τιν γαριν κέρθα εγράφτα.
Αμαν έργεπσα ολίγον.

ΚΟΔΧ. Ας έργεπσες κι πираζ.

ΓΟΡΓ. Ατόρα μετεσας θα δάλο τα διναταμ κε
τέχασα τον κερον τυ κάκυ θα ταμαμέδατο. Ας έρθα κιαν
μετεσας θαρις εκι εγενέθα μίαν κιάλο ασι μάναμ. Κε σις
ζίντροφι δεδάτε πέτε τεργατς ποσ ι χορετ κι θα εντρο-
πιάζνε τιν κιβέρνισιν. Ιντιαν εδγον ασο εςέρνε-μυν θα
φτάματο κε τιν πετιλέτκαν οπισ κι θα φίνουμε (χιροχρο-
τίματα).

ΚΟΔΧ. Αφερим, πασσα Γοργορ, αετς θέλομε-σε.

ΜΙΤΟΣ. Πασσα Γιάνε, δόεμε το λόγον.

ΓΙΑΝ. Πε ρίζαμ, πε κεσι.

ΜΙΤ. Σίντροφι κολχόζνικι! το κορσομολ κι νεολέα
τι κολχοζί-εμυν ας όνομανεσυν δι λόγον τον αντιπρόσοπον
τι κιβέρνιςις, ποσ οντας θα φτάμε, τυ χρόνου αίχον όραν
το πράζνικον τι κολχοζί-εμυν θα διπλασιάζομε τα μέλι
κε θα τριπλασιάζομε τιν εσοδιαν-εμυν.

ΚΟΜΣ. Ντο θα διπλασιάζομε τα μέλι! όλεν το
το ραγιόν-εμυν θα φτάματο τρανον κολχοζ να θαμά-
σκουνταν κιατιν.

ΜΙΤ. Ατότε διόμοε το λόγονε-μυν κε θαρο κι θα
ντροπιάσκουμες.

ΚΟΛΧ. Κι θα ντροπιάσχυμες, κι θα ντροπιάσχυμες!

ΓΙΑΝ. Το λόγον εςσ ατόρα ο ς. ο Γιορίκας. Θα φτάιμας μικρον ταχλατ για τι ζοιν τι κολχοζί-εμυν (χιροκροτίματα παρατεταμένα κε φονες «γιάσυ Γιορίκα γιάσυ»!)

ΓΙΟΡ. (με ςιμιοματάριο στο χέρι) Σίντροφι κολχόζνικι! Ισα ίσα οσιμερον εγέντον ένας χρόνος ασο διοργάνοσα-με το κολχόζνε-μυν. Εκσέρετε μετα πόσα δυσκολίας ςιν αρχιν εσένκαμε τι δουλιάνε-μυν ςι στράταν. Με τι βοίθιαν όμος τι κιθέρνιςις κε με τεμέτερον τον ενθουσιαζμον κε τιν δουλιάν επορύμε οσίμερον να λέγομε ςυλτς, ανιχτα πος ενίκεσαμε το δυσκολίας. Με τέναν κε με τα δύο καραβάνια εμς κεπορύμε να κυθαλύμε τα καπνά-μυν ςιν πολιτίαν. Επορύμε κι περιφανέφχυμες διότι εκσίντα νικοκρια με 125 τεσετίνας χόμαν, επίκαμε ίσαμε 8.400 πύτια καπνον (χιροκροτίματα).

ΚΟΛΧ. Ζίτο το κολχοζ! ζίτο ι «Νίχι»! ενίκεσεν.

ΓΙΟΡ. Ταγαπεμένον ι δουλιά-μυν ι πρόοδοςε-μυν, ι ιποστίρικσι τι κιθέρνιςις επίκαν κε τάλτς τι χορετς να εμπένε ςο κολχόζνε-μυν.

Εχτος ασα δεκα οσπίτια τεσέθαν τρία μίνας εμπροστα ςο κολχόζνε-μυν, αλα 25 κιάλο εδόκαν αναφοραν να εμπένε απατόρα (χιροκροτίματα).

Σιν αρχιν όμος ίχαμε πολλα δυσκολίας κε θαρο εντροπι κεν να λέγατο.

ΚΟΛΧ. Πέατα Γιορίκα πέατα!

ΓΙΟΡ. Κρύι ςονύνεσυν πόσα ςκάνδαλά εγένταν κε παράπονα ςιν αρχιν. Ενας έρχυτον έλεεν, «γιοκ τάλογομ πολλα εφόρτοσανατο» άλλος έλεεν «τα θυδιαμ κεπορο

να λέπατα σα κσένα κσέρια». Ίς να επίκανε-μας κιόλια
τα ζα τι κολχοζι έλακσαματα κιάντσαγα ισιχασαν όλ.

ΚΟΛΧ. Ατυκα κσστα λες Γιούρικα!

ΓΙΟΡ. Όσον τεπίγαμε όμος όλ εσινίθισαν κιαλο
τεμον τεσον κίπεν κανις κεςέθεν ι θυλία κι κισαν. Κι
ατόρα, ατόρα άμον όρομαν έρχυντανε-μας τα περαζμένα.
Με τι βοίθιαν τι διασκάλτσας ένας αγράματος κεπέμνεν
ασι κολχόζνικυς.

ΚΟΛΧ. Ι διασκάλτσα αμιάκια έςς.

ΓΙΟΡ. Πολα καλα χροστύμε κε κσον κ. τον Διμί-
τριν τον αγρονόμονε-μυν. Ανθρωπον εδύλεπσεν κε δύλεπ-
σεν πολα πραματα εμάτσεμας.

ΚΟΛΧ. Ε! Ο Διμίτρις τι χοραφι ο διάσκαλον εν.
Για κς Διμίτρι!

ΓΙΟΡ. Κιατόρα τι κιέρνισις τα βοίθιας κι ποστί-
ρικσις πολα ίνε. Πία θα λέγο κε πία θα φίνο. Ίλ εκ-
σέρετιατα. Ατόςον κσαν λέγο πως ι Σοβετικι κιέρνισι
ας εκσερ πως ι κολχόζνικι θα' θάλνε όλια τα δυνατάτων
κε το πεντάχρονον τον πλάνον να εφαρμόζιάτο σα
τέσερα χρόνια! (Χιροκροτίματα). Ατόρα λέγοσας έναν
κιάλο. Ι εργάτ τι Πισσεφκυσι εστιλανέμας ίδισιν πως το
βράδι θα έρχυνταν κς κολχόζνε-μυν να βοιθύνε-μας κε
κατεβάζομε πυρνα τα καπνα. Θα δίγνε κέναν παράστασιν.

ΚΟΛΧ. Ζίτο ι ένοσι τεργατίον κε τι χορετίον! Ζίτοι!

ΘΟΔ. Πασσα Γιάνε το λόγον!

ΓΙΑΝ. Ατόρα ας ακύομε ντο θα λεί κι ο Θόδορον.

ΘΟΔ. Σίντροφι κολχόζνικι! Ι χαρά-μυν τρανον εν! Αμαν μανασπάλομε ντο ίμες κε υτάρνικι. Εγο προτίνο τοσιμερνον τιν εορτίν-εμυν να εορτάζοματο κε σα χοράφια απες. Αποπς έδρεκσεν. Ελάτε μι χάνομε τον κερον. Ας πάμε αχπάνομε τα κοστέλια ασασυμα τα χοράφια κε κλόθο το χόμαν. Οσιμερνον ιμέραν τι τραχτορι ι λαλία πρέπ να εδγεν!

ΚΟΛΧ. Μπράβο Θόδоре! Καλα λες ας πάμε ας πάμε! (Σιχόνοντε όλι κε μπένυν στι σιρα τραγυδόντας το τραγύδι « Χορετ! Χορετ» κε πάνε προς τα χοράφια. Κάθετε κι ο Θοδορος στο τράχτορ κε πάι κατόπι-τυς. Αλι χορικι θγένυν απτα δεκσια κε πάνε προς το χορίο σιλογιζμένι).

ΚΙΡ. Μπράβο σα πεδιά άλο πίος επορι κε λει ποσ κι θα επορούμε να φτάμε σοσιαλιζμον!

ΓΙΟΡ. Νε! νε! Αρ ας ανίγνε τομάτιατυν ι πράδι ι απορτυνιστ.

ΓΙΑΝ. Ε! ατόρα ας πάμε κεμισ ετιμάζομε τι σκινιν. Το βράδι τα πεδιά θα εφτάγνε παράστασιν.

ΟΔΙ. Ας πάμε, ας πάμε (μπένυν μέσα).

ΣΚΙΝΙ 2.

(Φένοντε στο προσκίνιο απ' τα δεκσια πίσο απτο μεγάλο δένδρο ο Λεφτέρτς τραβόντας απ' το χέρι τον Λολίκα).

ΛΕΦ. (Κιτάζοντας ολόγिरα, στον Λολίκα μιστιριόδικα). Κανις κεν. Αλίγορα έβγαλ το καζομένον το τσαπυτ κε τα σπέρτα κε δέδα τε σο σκλατ κεκα. Βάλεν το τσαπύτ σο κσιλένεν τιν ταραπαν κεκα κιάπσωνα.

ΛΟΛ. Φοοοοοογύμε.

ΛΕΦ. Δέβα αλίγορα λέγοσε! Πολα λόγια κι χρι-
άσκουνταν. Εγώ θα ναμένοσε αδακα μι φογάσε, κανς
κεν αδακες.

ΛΟΛ. (Πάι κιτάζοντας ολόγισρα. Περνα απ' το
προσχίνιο κε φτάνι κοντα στιν αποθήκι κε κάνι όπος
του ίπε ο Λεφτέρης.)

ΣΚΙΝΙ 3.

ΓΙΟΡ. (Βγένοντας απ' τιν πόρτα του κολχοζ βλέ-
πι τον Λολίκα, κε τρέχοντας τις σκάλες φονάζι.)

Νέπρε Λόλικα! Αφοριζμένε, το σκλάτνεμυν θα δις δρώ-
λαν. (Δεν προφτάνι όμος να κατεβι τις σκάλες κε πέφ-
τι, διοτι ο Λεφτέρης πυ παραμόνεβε πίσο απ' το δένδρο,
βγάζι το περίστροφο-του τον πιροβολι κε τον σκυτόνι.

Στο άκυζμα του πιροβολισμού βγένουν ι δασκάλα ο
Κιριάκος, ο Γιάνις, κε ο αγρονόμος. Ο Λεφτέρης έφίγε,
το ίδιο ετιμάζετε να κάνι κι ο Λολίκας μα δεν προ-
φτάνι κε τον πιάνυν. Ι δασκάλα κτιπα το κυδόνι.

Ο Κιριάκος τρέχι κε σικόνι τον Γιορίκαν, ο Γιάν-
νες τρέχι κε πιάνι τον Λολίκαν, ο αγρονόμος σδίνι τι
φοτιά πυ μόλις άρχισε να νάβι).

ΓΙΑΝΕΣ. (χτιπόντας τον Λολίκα) Αφοριζμένε,
τα καπνα μι θα έκεες νέπρε; Θα σκυτόνοσε 'αλίγορα
πέμε πίοσ έτον με τ' εσεν;

ΛΟΛ. (κλέοντας φονάζει δινάτα). Εεεεεγο κέμνε
ο πασσάμ οοοο Λεφτέρτς εεετονε!

ΔΑΣΚΑΛΤΣΑ. (πυ έτρεχε να δειθά τον Κιριά-
κον, αφν κιτάζει προς ο Γιορίκας δεν δίνι σιμιά ζοίς.
Κλεί). Εσχότοσαν τον Γιορίκαν αφοριζμέν, ι κυλάκι!

ΓΙΑΝ. (τραβόντας κατόπι-τυ τον Λολίκαν πλσι-
άζει στον Γιορίκα) Ντόλες διασκάλτσα! Οι τι εσκιλ τα
πεδία!

ΣΚΙΝΙ 4.

(Μπένυν εστι σκινι τρεχάτι ι κολχόζνικι μπροστα
ο Θοδωρος κατόπι-τυ ι Ελένι κε κατόπι-τυς ι άλι)

ΘΟΔΩΡ. Ντόεν; ντέπαθετε;

ΔΑΣ. Εσχότοσαν τον Γιορίκαν!

ΟΛΙ ΜΑΖΙ. Ντόλες! Πίος;

ΕΛΕΝΙ. (τρέχι ανκαλιάζει το σώμα τυ Γιορίκα κε
βγάλε τραγικι φωνι). Αχ! Γιορίκα! γυρπαν εόνομας, Γιο-
ρίκαμ! Οι ναιλι εμέν!! (κλεί).

ΘΟΔΩΡ. Δασκάλτσα γιαπε, πίος εσχότοσεν-ατον!

ΔΑΣΚ. Ο Λολίκας λεί, ο Λεφτέρτς.

ΚΟΛΧΟΖ. Θα σκοτόνοματον τον αφοριζμένον τον
κυλακ.

ΚΙΡΙΑΚΟΣ. (ετυς ολόγισα). Κρατίστε ας φέρομα-
τον απαν. τον κυθαλύνε κε τον δάλυν πάνο στο τραπέ-
ζι. Ι Ελένι κλεί το ίδιο κι Θιμιά) Σίντροφι! Ι άτιμι ι
κυλακ εσσκίλεψαν! άμον τελέπετε υς εο εσχότομαν κεκά

πιλιά κι στέχνει! Το σκότομαν τι Γιορίκα άλλο πολλα πρεπ να ενόνμας σο κολχόζ κε να νικόμε τι τυςμάντζεμυν. Επιδι κεπόρεσαν να εφαρμόζνε τάτιμα τα σκοπούσατυν, να κέγνε τα καπνά-ςυν εσκότοσαν τον Γιορίκαν τανέν-καστον το παλικαρ τι κολχοζι.

Το έμαν τι Γιορίκα τεκςσίεν για το κολχοζ θα δινamόνι κιάλο πολλα κε θα γίνετε το φαρμακ το θα φαρμακον τι κυλακς κε χάνιατς ασιν Σοβετικιν τιν ένο-σιν. Το κολχόζ ι «Νίκι» εχάσεν τον Γιορίκαν αμα ενίκεσεν. Πιο ενομεν απατόρα, θα χτίζομε το νέον τι ζοιν, θα νικόμε ύλια τα δυσκολιάς κε θα φτάμε το σο-σιαλιζμον. Κε για τον Γιορίκαν κανις κι πρεπ να κλεί διότι θα εν τρανον προζβολιν. Ο Γιορίκας εσκοτόθεν όπος ο τίμιος αγωνιστις για το καλον τις ανθρωπότιτας, για το κολχοζ, για το σοσιαλιζμον. Εονία-τυ ι μνίμι.

Ατόρα κάμποσα πεδιά ας πέρνε τα τυφέκια-τυν κε πιάνε ύλτς τι κυλακς τι χορι κε πυρνα μετα καπνα κατεβάζομε κε κιντς σιν πολιτίαν.

Το σοβετικον ι δικεοσίγι εγρικα κι ποστιριζ τα σι-φέροντα τι κολχοζι. (ο Θοδορος κε καμποςι μπένυν μέ-σα κε όγένυν με τα τυφέκια κε πάνε να πιάσυν τον Λεφτερ κε τυς άλυσ κυλάκυσ).

ΘΟΔΟΡ. Χαιτέστε πεδιά.

ΣΚΙΝΙ 5.

(Μπένυν στι σκινι κάμποςι απ' τυς χορικυς πυ-δεν ίνε στο κολχοζ).

ΘΟΔΟΡ. Χορετ το Λεφτερ κίδετε ατυκες πυδέν;

ΧΟΡΙΚΟΣ. Γιοκ κίδαματον κε ντό εν;

ΘΟΔΟΡ. Εσκότοσεν το Γιορίκαν.


ΧΟΡΙΚΙ. Ντο λεί! Όι τι εσκιλ τον αφορίζμενον.


ΕΝΑΣ ΧΟΡ. (βγέροντας στι μέσι). Σίντροφι κολ-
χόζνικι εμς ίδαμε τεπιτιχίαςε-συν κι ατόρα ελέπομε
πόσον κι σιφέρνε τι κυλακς, πεφτάγνεμας αγιτάτσιαν να
μι εμπένομε σο κολχοζ.

Το εσκοτομαν τι Γιορίκα οσιμερνον ιμέραν αποδι-
κνίι ποσ ι κυλακ έζεπσαν θα χάν-ταν θα θοιθόμε-σας κε-
μς. Αςόνομαν τι χορετίον έρθα να λέγοσας ποσ ύλ θα
έρχυμες σο κολχοζ κε παρακαλύμε οσίμερον πα να πέ-
ρστε-μας. Τι Γιορίκα το εσκοτομαν με τε σας εντάμαν
άλο καλίον θα ενόνμας.

ΠΡΟΕΔ.-ΓΙΑΝ. Χορετ τα πόρτας τι κολχοζίε-μυν
για τύλτσε-συν ανιχτα ιν. Ατόρα μετεμας ας λέγομε το
ταλεφτέον χέρε συν σιντρόφον τον Γιορίκαγε-μυν.
(Κατεβάζουν όλι τα καπέλα κε κλίνυν τα κεφάλια).

ΑΒΛΕΑ.







518560

ТІМІ 25 КОП.

ЦЕНА 25 КОП.